

四庫全書

史部

欽定四庫全書

史部

畿輔通志卷

六十九
七十

詳校官監察御史_臣劉人睿

檢討_臣德生覆勘

總校官進士_臣繆琪

校對官中書_臣葉蘭

謄錄監生_臣李師弼

欽定四庫全書

畿輔通志卷六十九

名宦

河間府

漢

衛

綰

代大陵人景帝時拜河間王太傅吳楚反詔綰將河間兵擊吳楚有功拜中尉

任

邱

平帝時中郎將元始二年為巡檢海使築任邱城以防海口遂以為名

沈

景

吳郡人順帝時河間惠王政傲狠不奉法憲帝以景為河間相景到國謁王王不正服箕

踞殿上景峙不為禮曰王不服常人何別今相謁
王豈謁無禮者耶王慙而更服景然後拜出往宮
門外請王傳責之曰諸君空受爵祿而無訓導因
奏治罪詔書讓王而詰責傳捕戮尤惡者數人出
寬獄百餘人王
遂悔過自新

張

衡

字平子南陽人為河間王相王驕奢不遵憲
典又多豪右共為不軌衡下車治威嚴整法

度上下
肅然

三國

張

協

字景陽安平人載之弟官河間
內史在郡清簡寡慾詳見人物

南北朝

李

祥字元善平林人學傳家業鄉人宗之魏世祖時為河間太守有恩威徵拜中書侍郎千餘

人上書
乞留

隋

來護兒

江都人大業初為瀛州刺史徵入朝百姓攀留不得出境詣闕上書者數百人帝謂曰昔

國步未康卿為良將今天下無事又為良二千石可謂良矣

唐

賈敦頤

曹州人太原時為瀛州刺史瀕滹沱池二水歲溢濫壞民居室敦頤為立堤障百姓利之

鄭德本

瀛州刺史與滄州薛大鼎冀州賈敦頤皆有治名河北稱鑑脚刺史

魚思賢

開元初令任邱開通利渠洩陂淀入滏水得地一百餘頃百姓利之號其陂曰魚君陂

宋

魏

羽

字垂天歙州人太平興國中初知棣州六年受詔瀛州覆察軍市租得隱漏數萬計因上

言本州叅軍郭震十年未代河間令崔能未滿歲即遷秩調選失平請罪典司以肅欺蔽上詔嘉之

王晉卿

河朔人開寶四年知鄭州在郡謹斥瘠善撫循士卒皆樂為用邊民安堵

高繼勲

瓊之子真宗時知瀛州值歲飢募富人出粟以給貧者明年大檢木生連理者四

程戡

字勝之陽翟人仁宗時知瀛州契丹使過稱疾求著帽見戡使謂曰有疾可無相見見當

如禮使者語屈乃冠而見

唐

介

字子方江陵人知任邱常遼使往來道驛吏多以誅素破家介坐驛門令曰非法應給一

切勿與稍毀吾什器者必執之皆帖服以去沿邊塘水溢害民田介築堤闢之民以為利

呂公弼

夷簡子仁宗時知瀛州宿師備邊民疲餽餉公弼始通御河漕粟實塞下

孫永

字曼叔陝人進士第知瀛州河決於貝瀛冀尤甚民租以災免者州縣懼常平法徵催如

故永連章論上神宗從之仍令發廩米以賑

包拯

仁宗時知瀛州以公錢易積歲所負十餘萬悉奏除之

張景憲

字正國河南人熙寧中知瀛州上言此歲不登民積逋欠今方小稔宜賜寬假帝從之

李師中

字誠之楚邱人熙寧中知瀛州師中志尚甚高不貴戚蜀以信服人自稱荐曰天生微臣

茲為聖世有臣如
此陛下其舍諸

張

問

知滄州新法行問獨不阿時好為帝言民
苟免常平助役之苦反以得流亡為幸

李肅之

迪從子神宗時知瀛州大雨民廬皆陷肅之
出入泥濘中結困以儲庾粟爰舍以居流民

啟康賑給嚴備盜竊天
子聞而嘉之遣使勞賜

蔣之奇

知瀛州遼使耶律迪道死所過郡守皆再拜
致祭之奇曰天子方伯奈何為之屈膝邪莫

而不
拜

彭思永

字季長廬陵人知瀛州北俗以桑麻為產
民懼賦不敢藝日益貧思永始奏更之

王漢之

字彥昭衢州人以顯謨閣待制知瀛州請倣
何承矩舊迹屯田於堡塞五州多種樹木為

萬世利

金

高

揆

歸州人為樂壽尹百姓流移招撫復業者不可勝計天會間改縣為壽州即以揆知州事

旌其能

路

鐸

字宣叔伯達子為景州刺史述十二訓以教民章宗詔曰路鐸十二訓皆勸人為善遍諭

州郡使知之

劉

煥

字德文中山人大德元年進士調任邱尉令貪污煥每規正之秩滿令持盃謝曰尉廉慎

使我獲考

高守約

字從簡遼陽人大定時累官觀州刺史元兵

曰從簡當計全家室守約弗
顧城破被執死之謚忠敬

李完

河間治中習法律有治劇才奸
惡屏迹軍民無間語陞節度使

趙重福

豐州人貞祐二年知河間府事三年城被圍
時兵少多羸疾不任戰重福勸其父老率其

子弟強者戰弱者守
會久雨圍亦解去

元

賈德

字克仁景州人河朔盜起為衆推服自白衣
署故城丞專徼巡事設方畧擒逐招諭不數

月寇難蕩平累
官景州節度

額森

唐古人至元時以武畧將軍為莫州守周知民間利害有獵人凌虐鄉民覈實申聞械於

市痛懲之後入其境皆斂手不敢犯

焦德用

天德時令肅寧正身勵節民有訟者不以文狀付吏得其情則即日論決吏不能欺

呂思誠

天歷初尹蔭縣清勤無私臨事明決每歲行田勤者賞以農器否則有罰境內大治

祁仲鑑

字彥明趙州人為任邱尹下車首訪賢才黜退奸貪勸民力於田畝風俗丕變

韓善

安州人至正間為河間尹政教畢舉民之梗化者置籍書其名令里胥月報而懲之豪猾

歛手蒞政三載始終如一民為立生祠

明

朱逢吉

嘉興人洪武初知寧津始建縣治於城內次年創建儒學臨民專尚德化有古循吏風

向朴

慈谿人洪武末知獻縣建文時靖難兵起殉節死

吳原

永豐舉人永樂十四年知吳橋重脩學廟見事明決而不尚苛刻任滿百姓乞留復任清

勵操益

劉深

臨汾舉人永樂間知景州景多水患深開惠民渠洩之秋滿民三保三留治景三十餘年

人稱良牧

李讓

鄆陵人天順中知河間府野無游民庭無滯訟清歸貧無資斧人相率出錢布以贖之一

無所受

杜中

廬氏人成化五年知故城縣耿介勵節門無私謁歷任九年稱故城良吏第一

張鐸

全椒監生成化間知吳橋禁革宿弊申免協濟善政最著

段釗

涇池人弘治中判河間時軍民儲峙豪右久擅其利而民常苦于輸納釗至悉按以法會

計稱平屬邑興濟縣為昭聖皇太后故里勅使營兵供億鉅萬釗綜理有要長貳忌其能中傷之遂

解任去行橐蕭然時論稱屈

莊釋

號鶴溪武進人進士正德中知河間府修廢舉陞宿弊盡除陞山東參政仍掌府事以忤

劉瑾左遷

姜濤

字靜之忻州人河間知府剛正敏幹士民畏之

侯服周

單縣人隆慶間知東光舊額食鹽五百引申請罷征民困以甦

狄良幹

汝陽舉人萬厯間知吳橋鋤強梗扶善良建社學立義倉德威並用

葉好文

交河知縣為政專尚德化故刑不用而民畏初以一犢牛駕車之任後產三犢比徵去留

犢與貧民為耕

佟卜年

遼陽進士萬厯年知河間縣除門則俵馬大戶三大害閭屬獲安邑人立祠以祀之

張志芳

陽城舉人天啓年知景州崇儉愛民嘗按漕院過舟落水更衣通體布素遂荐為天下清

廉第一

程燝

景州學正裨身範士務砥礪名節次乃及文藝當途引重命主瀛州書院遊十八庠弟子

員雋者
從講習

常在

榆社人進士崇禎中知河間府兵燹之後歲歉民窮在發粟作糜粥以給老稚之不能行

者遣孩滿路令收養者
人給千錢存活數萬

顏廕紹

曲阜人復聖裔崇禎中進士知河間府時寇盜充斥流離載道紹悉心撫字勤恤瘡痍任

甫一月敵至援絕度不能支乃預集老穉環聚室中積薪圍之身登陴策戰守無何城陷廕紹歸署舉火火發肅衣冠北面再拜曰臣力竭矣今以死報國遂入火死之

蔣勸善

貴州舉人河間郡丞在官一个不苟與忤當道拂衣歸著述甚富明末流寇逼降不屈死

之

白慧元

清湖人進士崇禎八年知任邱解任未去遭
戊寅之變夫婦殉難贈副使賜祭葬廕子人

監

楊毓楫

舉人崇禎中知景州大飢人相食煮粥
救人會編審除故丁三萬餘民困得甦

余尚春

渠縣人進士崇禎中知吳橋當殲破
之後振刷廢墜創建磚城至今利之

劉廷訓

通州人由歲貢任吳
橋訓導崇禎戊寅

本朝

大兵破城殉節
死詳見忠節

周命世

蘄水人進士知任邱崇禎辛巳大飢請免本
年租賦土寇亂總兵虎大威率兵來勸掠民

婦女命世見大威掩面大哭以死爭之得盡
釋還賊中亦多良民以命世力全活者無算

呂大成

萊蕪人崇禎十五年授阜城知縣嚴厲方剛人多畏之壬午之變殉城死

馮運隆

灤州人由歲貢任河間訓導崇禎壬午城陷死之事見忠節

本朝

劉果

山東人知河間縣才識敏瞻案無留牘康熙八年

駕幸河間問民疾苦父老以果治狀奏召見行在溫旨褒獎祀名宦

墻鼎

四川人知交河縣勤於政事錢穀刑名俱自清理不假手幕客課士有程化民以善重修

邑志表揚潛德尤為時所推重祀名宦

嚴曾業

浙江人知交河縣捐俸倡修宮墻設義學延通儒為師訓迪孤寒多所成就重保甲嚴賭

博逐流娼禁逃人有宦僕宿店詐稱失事扶店主
賂果曾業廉其實詳請寘之法誣陷之風以息祀

名官

天津府

漢

龔

遂

字少卿南平人宣帝時渤海飢盜賊起二千
石不能制上命龔遂時遂年七十餘形貌短

小名見問何以息盜遂對民困飢寒而吏不知恤
故使赤子盜弄陛下兵於潢池唯緩之然後可治
願丞相御史無拘臣以文法得一切便宜從事許
之乘傳至境悉罷捕盜吏諸持鋤鉤田器者吏毋
得問持兵者乃為盜盜聞遂令即時棄弓努而持
鉤鉏民有帶持刀劍者使賣劍買牛賣刀買犢曰

何為帶牛佩犢春夏督耕秋冬課
斂勞來循行境內悉平民皆富實

陸

康

字季寧吳郡人舉茂才除高城令縣在邊陲
舊制令戶一人具弓弩以備不虞長吏新到

輒發民修城郭康至皆罷遣百姓大悅以恩信為治盜賊止息

南北朝

元拔干

魏遼西公意烈之子太宗踐祚除渤海太守吏人樂之

崔

休

字惠威清河人魏世宗時為渤海太守下車
戮豪猾數人奸盜屏息大儒張吾貴弟子千

餘休為設俎豆招延禮接儒者重之

唐

薛大鼎

字重臣蒲州人為滄州刺史無棣渠久淤塞大鼎浚治屬之海商賈流行里民歌曰新溝

通舟楫利屬滄海魚鹽至昔徒行今乘駟美哉薛公德滂被又疏長蘆衡漳三渠泄淤潦水不為害

李乾祐

長安人滄州刺史強幹有聲

穆寧

河內人玄宗時以明經調鹽山縣尉安祿山反寧募兵捍賊邑賴以全

宋

李參

字清臣鄆州人以蔭知鹽山縣歲飢諭富室出粟平其直民不能糴者給之所活數萬人

唐恪

錢塘人知滄州河決城下恪乘城救理城得全請罷保馬法及復諸縣租未報悉便宜罷

行之民大悅

曾 華

南豐人知澧
州有忠政

元

王 欽禮

為鹽山令摘發奸伏積
弊悉除邑士歌詩美之

明

王 林

永樂初知青縣以河決禾稼盡沒痛不能救
投水而死民於堤上立祠祀之名曰神堤

宗

漢

字天章膠州人成化年知慶雲縣首新學廟
朔望詣明倫堂親為諸生講析經義按丁定

役貧富乃均辛丑飢勅遣賑貸漢分為三等計口
給放夏不雨奏免夏稅秋傷稼奏免秋糧寇警上

官檄諸邑發民兵會操漢言邑當衝要賊易出沒
宜存本境操肄以係人心上官嘉之荏苒亦遂屏

息

李

珙

字敬之濟南舉人正德中知南皮時畿內流寇勢張城多陷惟南皮捍禦甚備賊所至皆

有內應珙燭其奸預拘無籍假他事收禁之城以克全

張

奇

光州舉人正德年知瀋川盜賊縱橫以修繕城池為急務暇則操練兵馬未幾劉六等四

面攻圍奇竭力保守賊宵遁百姓得安加四品職仍管州事

時尚儒

臨清舉人嘉靖年知鹽山有廉節增修社學崇尚文教邑舊無志自尚儒始

馮

輜

號南津武進舉人嘉靖年知南皮強幹不阿事關利害挺身任之忤上官星彈章去之日

百姓卧留轍不得發

劉子誠

宜川人萬厯年授鹽山令開燕子口高家灣合古黃河以通海道人資其利

王之寀

朝邑人萬厯年知慶雲邑為九河下流水患積歲寀疏導入河始不為靈雨所苦民不能

耕者買牛給之邑人感德為之立祠

胡啓睿

海州拔貢生崇禎中知靜海立社課士剔弊釐奸舊有遞馬私派銀兩申請革之士民感

戴

張文煥

掖縣人崇禎間知青縣已邨城破死之

本朝

錢廣居

字大可太倉州舉人順治元年知鹽山縣廉靜不苟弭盜有方政最隄工部主事

張必科

益州貢生順治四年知慶雲縣受事兩月宿弊盡革時有寇警登陴射賊矢無虛發忽弦

斷手傷擲其弓曰命矣當尋一死所也提
戈下城賊環圍之亦不敢逼舉火自焚死

李芳春

益州人順治年知慶雲縣邑當殘破之餘芳春以弱冠來蒞賊甚易之乃陰與訓導良性

鎮防郭天培潛謀密策談笑以除腹心之寇勦捕餘黨二千餘人訓練鄉民皆知合變擊刺之方盜賊相戒不敢入境
人感再造之功

周天命

天津人任天津叅將順治初土寇作亂率兵往勦血戰而死事平奉

旨贈

邱廕其弟明命都司經歷

任鼎

山陰人任慶雲縣典史順治十二年馬寇逼城鼎率衆禦之奮勇擊殺以衆寡不敵力竭

遇害民
痛悼之

正定府

周

風沙釐

鼓人任於鼓子晉仲行穆子既克鼓以鼓子

以其擊行軍吏執之辭曰我君是事非事土也今
君實遷臣何賴於鼓穆子召之曰鼓有君矣爾止
事君定而爵祿對曰臣委質於翟之鼓未委質於
晉之鼓也臣聞之委質為臣無有二心委質而策
死古之法也穆子嘆而謂其左右曰吾何德之務
而有是臣也乃使行既獻言於頃公與鼓子田於
河陰使風
沙釐相之

漢

鄧

晨

字偉卿新野人更始北都洛陽以晨為常山太守王郎反光武自薊走信都晨亦間行會

于鉅鹿下自請從擊邯鄲光武曰偉卿以一身從我不如以一郡為我北道主人乃遣晨歸郡光武追銅馬賊於冀州晨發善射士千人委輸給軍不絕光武即位封房子侯復拜中山太守吏民稱之常為冀州高第

伏

恭

字叔齊東武人建武初除劇令以公廉聞遷常山太守敦修學校教授不輟北州多為伏

學氏

蔡

湛

修武人光和二年為棠城令有惠政民立碑以頌其德其碑刻歐陽氏收入金石錄

三國

邢

顥

唐河間鄭人舉孝廉除行唐令勸農桑風化大行

司馬朗

字伯達河內溫人魏堂陽長治務寬惠不行鞭扑而民自不犯禁

南北朝

張恂

字洪讓上谷人魏皇始中以廣平守遷常山建學校優儒士治為當時第一

唐

顏杲卿

臨沂人天寶中守常山安祿山反杲卿及長史袁履謙正定令賈深內邱令張通幽等定

計討賊時真卿在平原素聞賊逆謀陰養死士為拒守計遣甥盧逖至常山約起兵鉅鹿廣平河間

諸郡皆集果卿兄弟兵大振祿山使史思明等攻常山果卿糧竭矢盡而陷與履謙同被執賊取少子李明加於頸上曰降我當活而子果卿不答遂并盧逃殺之果卿至洛陽祿山怒曰吾擢爾為太守何所負而反耶果卿瞋目罵曰天子負汝何事而乃反乎我唐臣恨不斬汝乃從爾反耶祿山不勝憤節解之罵不絕口死

王

翊

新豐人元和中為元氏令勸民力田家給人足粟斗五錢

宋

趙延進

頓邱人太平興國中遼人擾邊命將兵禦之延進出奇制勝以功遷右監門衛大將軍知

鎮州及代吏民詣闕請留詳見人物

裴濟

開喜人太平興國末為巡檢使次鎮州夜有騎扣城門大呼曰官軍至矣州將促守吏開

閤濟止之曰此必詐也及旦果有敵兵遁去太宗嘉之使知鎮州凡十五年威績甚著

李允則

并州人天禧二年知鎮州處事精密吏民畏服

田照隣

慶厯中知元氏縣崇學校修孔廟遷著作郎真定守諸復照隣任詔從之思惠決洽邑中

大治

孫固

管城人熙寧中議新法不合以直學士知真定府遼人盜界地歲且久吏爭弗能還固得

其要領折服之
正疆地二百里

劉安世

魏人元祐八年以論呂惠卿章惇出知成德軍尋被貶謫傳詳人物

晁說之

崇寧初知無極有惠政初建縣治名其堂曰問山金大定中永安馮翼為令作問山堂記

劉

韜

崇安人靖康中知正定府河北道柴宏本富室不堪征歛聚眾剽掠殺巡尉統制官亦戰

死韜單騎招之宏服罪韜奏以官縱其黨還田里一路遂平金人已謀南牧朝廷方從之求雲中地韜謀得實急以聞陰治城守以待之金兵抵城下知有備長驅內嚮及還治梯衝攻擊韜發弩射之乃退後使金營不屈死諡曰忠

金

趙

叶

儀封人大定初任贊皇令戴星理事憂公如家民飢屢以俸粟分救之逋逃歸業者五百

餘戶地不宜麥率民乘秋雨相地宜播種復獲其利秩滿民不忍其去有德政碑

劉

璣

咸平人大定中知平山有村民婦告稱夫賀璣易不還恐被害璣駭曰此婦必有陰謀遂親

詣婦所訊之果與人共謀縊夫捕所通男子悉論如法邑民稱為神明

高仲論

遼東人承安四年知元氏精於吏治扶弱抑強政平訟理以俸餘緝亭為習業之所士之

來者雖一藝一善皆按之以禮

元

趙仁舉

灤陽人大德中知晉州時天下郡邑令南北人雜治法度更張民多不堪仁舉至詢瘼布

惠理枉伸屈竭逋賑乏民樂其業

趙謙

贊皇人至元中為平山主簿性剛毅仁恕能詰奸剖疑嘗設誠自銘雖五尺之童無不思

墓

劉繼先

新樂人至正初知行唐縣壬午秋邑大飢申請得米賑濟民賴以生癸未冬民愈艱食上

訴政府曰職司牧氏民飢而死豈為民上之道哉政府諒其誠得統鈔四萬五千貫以賑濟貧民

明安特穆爾

唐古入至正五年授贊皇縣達魯噶齊為治先教誨進遲鈍惆悵之吏簿書期

會不求近效燕南廉訪王儀剛方疾惡按部至境父老遮道頌明安德王列於臺為一道之最

瑪哈穆特

隆興人以進士及第至正十年除正定路新樂達魯噶齊為政不尚虛文禮請名儒勸子

弟從學自備廩膳詣鄉村勸農桑建常平義倉豐糶凶糶貧戶咸被其賜

明

胡秉中

上海人洪武初舉人才知行唐縣以禮教民制孝順節義讀書三圖曰諭俗編以獻上命

頌行
天下

洪子祥

嚴州府人洪武初任正定縣時條教方新無少假貸子祥調緩急布恩威招輯安養起凋

殘而康阜之邑
民多感頌焉

張處恭

洪武初知藁城縣兵燹後百度廢弛處恭隨事修舉勤勞不怠歷有政績

胡壽安

河南新安人永樂中由信陽知縣調獲鹿性清儉礪名節三宰大邑不攜妻子之官甘蔬

素食無兼味其子自南來省烹一鷄壽安痛責之或訝其過壽安曰吾輩讀書以古聖賢自命每以聲利妻子壞名節可不慎哉人服其操

李守義

平度州人宣德三年任正定知縣循阡陌勸農桑嘗詣西韓河相形勢究泉源謂水利甚

大因指畫疏濬開於泉四十五處導引溉田皆成膏腴時功令方尚久任治事九載庭無稍胥市無奸偽野無剽掠當時比之召杜云

張璟

沁州人正統元年知平山民安其政以內艱去百姓奏請奪情景泰初卒於官父老哀號

罷市

李庸修

吉水人天順初知正定府時東關居民絕少庸修立集場以召民居自是廛戶稠密行旅

之便

李善

岐山人天順二年知正定府興利除害大得民心

邢

簡

咸寧人天順中知正定府杜弊均徭於番漢軍民勲貴田土悉經畫周至尤敦崇學校居

任七年吏民帖服

武

賢

孝義人天順間知元氏縣政簡刑清庭下獄中皆生茂草及去民悉垂涕

石

倫

德州人天順年知無極律已嚴介士夫非公務不聽輕謁善撫字任甫數月流移歸業者

千計脩文廟置社倉至今頌之

韓

文

山西人天順中知新樂縣明敏有為尤篤意學校每春時躬巡阡陌凡牛具籽種有缺者

貸之又緝盜禁暴境內晏然歷守定州陞正定知府具有政績

田

濟

麟遊人進士成化六年知正定府革吏弊察民隱明年夏秋瘟疫施藥以療死者給棺殮

之歲荒不待上報即開倉賑米二十七萬有奇全活無算性剛直不屈勢要定國公弟殺佃民濟泰聞擬戍民解琪等十餘人為盜所誣濟訊釋之蒞任八年境內大治

余

瓚

京衛人成化十四年知正定府議均徭法定為九則以注諸籍用則稽閔取之民以為便

每行縣進諸生問民疾苦或時校藝獎進人材士民咸悅

張

徽

陽城人成化年由進士知靈壽縣素號難治徽下車召父老問之曰汝知昔之善治汝縣

者乎對曰深得民心有趙公紀疏通有為有冀公貴慈和不剝有于公恭任縣佐保留二十八年則又有周公禮外此某等不能知矣徽曰謹識之期年政治大行奸頑屏迹擢御史

王

憲

東平州人弘治中由進士知阜平操履清潔政平訟理嘗督民脩滹沱破衣敝履與眾同

食粗糲歷陞
兵部尚書

許

鼎

江都人弘治中知晉州臨政不怠嘗曰為民
收興一利不如除一害布教化決冤獄剋弊

抑豪境內肅然郡人稱之曰清慎勤以
立已公明斷以治人當時以為的論

馮

銳

濮州人弘治中初知衡水縣清操自勵陞正
定通判卒於官宦囊如洗太守彭澤重其廉

介治棺
歛之

彭

澤

蘭州衛人正德元年守正定政務寬大開學
校作人材公暇日進生徒授易累陞尚書加

太子
太保

張士隆

安陽人正德中由監察御史謫判晉州尋擢
州守城近滹沱為水衝決州人患之士隆相

地脩築河水南
移州免水患

陳

素

靈寶人正德十年知蒙城縣以邑近濬
汜築新舊二城以戒不虞邑人德之

張一厚

平原人進士嘉靖初知獲鹿縣政有當興革
者雖利害在前必毅然行之如政有未善使

人盡言而改之每曰政求
得當雖十易之不為過也

岑

諫

順德人隆慶中知靈壽縣嵩陽河自縣西閼
繞於城南每山水泛溢民多罹害諫築長堤

千餘丈以護
之邑賴以安

周應中

會稽人先知元氏縣萬厯元年調正定凡不
便於民者條議上所司悉報可濬大鳴泉引

水東南注壑稻田百餘頃迄今
民享其利名所濬河曰周河

譚昌言

嘉興人萬歷中進士知樂城縣嘗捐金浚井二百甃以磚後累官山東副使復發金移檄

令民鑿磚井三百邑人世食其利

徐天寵

江都人萬歷進士知正定縣每晨起視事五官並用一切務皆立辦饗餼皆在廳事脫粟

兩孟蔬菜數莖而已在任五年擢工部主事去之日囊橐蕭然士民羅拜擁塞至不得行

屈受善

華陰人萬歷中知晉州潯沱漲溢決堤浸城州民危甚受善竭力捍禦得免明年築新堤

以障水晉人德之稱曰屈堤

徐允薦

海豐人天啟中知行唐縣民多患盜允薦擒首惡誅之三月後夜戶不閉民多頌之

潘士奇

六合人崇禎三年任正定令時征役浩煩援兵往來不絕士奇日單騎履四郊供應有法

雖號將悍卒帖然無敢犯者民賴以安
後以憂去無資斧商紳助之辭不受

張脩身

任茂溝營守脩崇禎七年城破力
戰不屈死事聞陰其子世襲千戶

馮登鰲

陝西人崇禎癸酉舉人知靈壽縣茂寅
兵變率衆登陴拒守城陷不屈死之

時躋舜

長垣人崇禎時由貢生授訓導陞靈壽教諭
城陷具衣冠北向拜與妻李氏二子泰壯俱

死之事
見忠節

陳三捷

任正定撫標火攻營遊擊崇禎甲申二月巡
撫徐標為中軍遊擊賊黨謝嘉福所殺三捷

歸署暨冠裳望北叩頭援筆書於堂曰平生志氣
有天知豈料今朝事已非一死酬君千古烈世人
莫笑我為瘋書
畢投繯而死

本朝

胡文學

字卜言鄞人順治壬辰進士授正定府推官巨寇高鼎踞恒之西山絕頂垂二十年并代

絳晉俱騷動文學請益汎兵嵩意招撫鼎率衆出降又并陞賊聚衆事敗指稱偽牒株連數百人文

學嚴治其黨舉偽牒盡焚之人情始安舉卓異第一擢御史

林華皖

字凝山莆田人順治中由貢生知新樂縣聽訟無留獄徵糧無耗羨撫按薦為循良第一

范乃蕃

山東人進士順治十一年知藁城縣潔已奉公察民間疾苦多方救恤隆學校勤考課邑

中問學
者衆

柯願

龍溪人進士康熙十三年知藁城縣立法嚴明存心寬厚士樂絃誦民安耕鑿治行著稱

丁象鼎

江南人知靈壽縣釐正徵糧積弊革除一切陋規百姓復業土地墾闢有賢能聲祀名宦

陸隴其

字稼書平湖人康熙庚戌進士知靈壽縣民有頌子不孝者隴其自責曰德不足化令之

罪也父子感泣而去每政暇與諸生點勘宗元諸儒語錄與朱子似是而非者必闕之在任八年行

取入京會邑常饑饉復力請緩征減塾解除供應邑人至今感頌崇祀名宦

李發甲

雲南人以舉人知靈壽縣勤慎自矢勸課農桑振興學校士民德之官至湖南巡撫卒祀

名宦

湯聘

上元人知平山縣剛正廉明吏民畏懷事關民社必盡心措處又嘗纂脩邑志人咸稱其

信而有徵

王

玘

桐城人知藥城縣革里長社書催頭需索之弊設官室甃磚井資民田溉灌建義學脩邑

乘律已端嚴蒞民慈惠以卓異陞知彰德府

張曾裕

字昆詒海寧人康熙戊辰進士初授臨朐令丁艱服闋補新樂縣故有社書取辦公事

每歲一更例以鄉之富而愚者當之常破析家產裕知其弊乃擇每里知書算者面詢以充不願者聽退民踴躍稱便聽訟無論巨細必歛曲推究務得其情擢吏部文選主事尋改御史卒於官

順德府

周

張柳朔

初范氏之臣王生惡張柳朔言諸昭子使為柏人昭子曰夫非而讐乎對曰私讐不及公

好不廢過惡不去善義之經也臣敢違之及魯哀公五年晉圍柏人昭子奔齊柳朔謂其子爾從主勉之我將止死王生授我笑吾不可以僭之遂死於柏人

漢

邳彤

字偉君信都人為和城守王郎反郡國皆降彤不肯從光武至喜迎決策卒收平定之功

謝夷吾

字充卿會稽人任鉅鹿太守愛育人物多善績

郭典

馮翊人鉅鹿太守平黃巾賊有功

魏霸

字喬卿勾陽人建初中舉孝廉入遷為鉅鹿太守簡樸寬恕吏有過誨之不改然後罷斥

有諍人者但稱他吏之長譖者慙而止

樊 準

字幼陵南陽人和帝時為鉅鹿太守歲饑民流移準課農桑施方畧賑救之明年大熟趙

魏間數遭寇掠準外禦盜賊內撫百姓郡境安堵

董

昭

字公仁定陶人獻帝初平三年以昭為廩陶長表紹拒公孫瓚於界橋使領鉅鹿郡時郡

人孫伉等謀應瓚昭至以計擒之遂皆平

三國

常 林

字伯槐河內溫人為南和宰節操清峻治化有成

南北朝

崔伯謙

博陵人魏南鉅鹿守事無鉅細必自親覽民有貧弱未理者皆曰我自白鬚公不慮不

決

竇

瑗

魏天平中廣宗守時廣宗民情凶戾官斯土者多招民謗惟瑗終始全潔轉中山守

隋

劉

曠

文帝開皇元年為平鄉令單騎之官人有訟者曠以義理曉喻皆引咎去所得俸祿悉賑

貧乏在縣七年風流大洽囹圄生草及去吏民泣送數百里不絕

唐

陳君實

陳鄆陽王伯山子武德初為邢州刺史有惠政

權懷恩

萬年人高宗時邢州刺史威名赫然

元德秀

字紫芝河內人舉進士調南和尉有惠政

鄭

昕

字子陽滎陽人大歷八年任柏人令有惠政民立去思碑

元

誼

貞元中邢州刺史徙漳水自州東二十里至鉅鹿北十里入故水民賴之

陽

旻

字公素永平人歷邢州刺史詳人物

崔

嘏

字乾錫舉進士歷邢州刺史劉稹叛使其黨裴問戍於州嘏說使聽命

宋

邊

肅

楚邱人知邢州會契丹入犯真宗在澶淵密詔肅聽便宜南保他城肅匿詔不發督丁壯

乘城闕諸門悉所部兵陣以待契丹騎薄城下肅與戰小勝契丹莫測居三日引去

劉恕

筠州人英宗時為鉅鹿王簿發奸摘伏一時能吏自以為不及

王慥

太原人熙寧中知邢州民樂其政既去民思之圖像以祀復請留慥慥至撤已像而祀魏徵宋璟

王汾

字聖源館陶人初知宗城後知邢州興水利築諸渠溉民田數萬頃初汾建言時論者以

為無益已而邢人爭渠始知其利

金

高謀

遂城人天會間以經義擢進士為南和主簿師旅之餘小人什伯為寇懸賞招之不肯歸

謀單騎往諭示以禍福其魁率眾降金吾欲盡誅之謀營救全活千餘人

石琚

字子美定州人天眷二年進士第一調邢堂令邢守貪害屬吏琚克以奉琚獨無所與未

幾守以賊敗他更多坐累据以廉幹改秀容令

孫德淵

字資深興中州人明昌間任沙河令有盜秋桑者主捕之盜懼自傷其足而曰秋桑例不

禁採汝何得刺我訴之縣德淵曰逐捕而傷瘡必在後今在前乃自刺也盜引服大安初為昭義軍節度使潞州破被執俄有拜於前者沙河舊民也密護德淵得脫

李復亨

字仲脩河津人為南河令有盜刺民家牛耳復亨盡召里中人至使牽牛徧過之至一人

前牛忽大驚躍詰之果割牛耳者

周昂

字德卿正定人南和主簿有異政

元

王

結

字儀伯定興人仁宗時為順德路總管教民務農孝弟戢奸禁暴祀唐魏徵宗璟于學表

其言論風旨

以勵多士

袁

裕

字仲寬順德路總管郡鐵冶提舉張鑑無子買妾其妻妬而殺之裕捕其妻訊之服辜

劉紹祖

洛中人順德路總管開元寺最勝寺有木浮圖極壯麗可容千餘僧多為不義紹祖悉戮

之焚其浮圖

孔天鐸

字文振至聖裔金符管軍千戶兼邢州學校提舉多善政後占籍沙河

劉潤

東忠父歷鉅鹿內邱兩縣令皆有惠政

趙良弼

字輔之女直人舉進士教授趙州世祖在潛邸召對稱旨會立邢州安撫司擢良弼為幕

長邢久不得善吏且當衝要使者旁午民多流移
良弼區畫有方事或掣肘則請諸藩邨再閱歲凡
六往返所請
皆從邢大治

張時中

至元中鉅鹿令遭水旱多方賑恤期月而百姓豐裕既去民思其德立碑頌焉

朱文英

開州人至元四年知平鄉縣下車之日園吏以常例供菜茹文英曰昔公儀拔葵且云不

可奪園夫之利况受其供乎遣之常謂治民如牧羊豺狼不驅欲羊之蕃息不亦難乎乃罷革里正行用信牌催納月課契外一切無征七年奉命開南和之澧河將通清運文英相視地形曰此濡濕之地農事方殷安可奪有用之功以興無益之務乎言之總府遂罷役

元監

高昌人至順間任郡同知有善政民立碑頌之

張從信

字子孚樂令入至順間任唐山令有善政去官民有所餽力拒之韓鏞撰記以述其事

顏仲德

楚邱人元統間任沙河令承彫敝後始下車即嚴條約訟者以理聞諭皆愧服民為立石

頌德

尹泰

字亨夫柏人人至正間任南和令莅政公勤無恤民瘼疏通河道民感其惠立石頌之有

碑赫儀

李載

延祐間授任縣尹建立學校正殿及講堂聚生徒旦暮課業其中仍治負郭田二頃以供

廩餼

宋承德

至正間知鉅鹿縣增修文廟漳河為忠承德疏通之歲饑勸貸以賑

明

丁

直

溧陽人永樂間以人才授廣宗知縣時山右

與之約有不安業者罪無赦
於是境內晏然政聲大著

曲

廉

蓬萊人正統間任鉅鹿知縣縣東濱漳水田

隄障之濬澤既涸躬率懇闢植以桑棗俟豐稔勸
諭積貯散歛以時遂有萬石之蓄民用殷阜歷九
年獄無重囚及
去民立碑頌之

邱

陵

字志高蘭陽人正統間任平鄉令築漳河長
堤數十里以防水患邑故多盜陵至悉歛跡

童叟歌之以憂去民預計服闋期相率詣闕
乞再任詔從之考最加五級擢正定知府

夏 勛

嘉善人天順間任內邱知縣誅鋤奸惡四境肅然去官百姓泣留

熊宗德

江寧人進士成化中知任縣教民以孝悌忠信又判孝弟耕織讀書等圖舉冠祭之禮興

水利崇學校
陞太僕寺丞

張

繼

字述之鳳翔人成化間知順德府有盜劫民財捕官執平民顧昭等拷掠誣服律當斬繼

曰此疑獄也按得情立釋之已而果獲盜者時有貴戚家人恣橫占民田辨者輒毆死巡撫委繼勘問繼悉令還之民曰吾知有法耳他非所畏也同官輩莫不咋舌

陶永淳

字實夫華亭人進士成化間任南和知縣多善政鄰邑百姓多上狀爭欲以為令陞紹興

府同知去民
立碑頌之

軒惟明

柘城人。都御史。輓子弘治間以恩生。知廣宗縣。公清有父風。時民家有傭工自縊死。民坐

誣。幾不雪。惟明得其情。寃始白。民懷金謝。峻拒之。卒於官。貧不能殮。

郭

絳

字仲端。臨海人。進士弘治間任知府。邵東屬邑。歲有山水淹沒。民田絳躬詣其地相勢築

堤。遂無患。

劉璋

中部舉人。正德間任南和知縣。為民度地均田。疏通河道。興脩學校。政暇詣明倫堂召諸

生。開明書義。立社學。為子弟擇師。時有南蔡酒呂柟過南和。璋懇留月餘。為諸生講解。

趙鑑

字克正

壽光人。進士。正德間知府。時鹽禁苛剝。四鄰連坐。鑑力為開釋。民賴以安。

潘中矩

汙池舉人。正德間任廣宗知縣。時流賊薄城。中矩勵眾死守。城得完。都御史甯景督兵索

賄中矩曰知縣貧錢何從來杲大怒故留老弱軍三百人於縣中矩悉處置得宜軍士皆服民亦不擾後寧敗發勘獨廣

宗無饋朝臣異之

張茂蘭

章邱人進士正德間任鉅鹿知縣官清如水舉朝皆知其名曰天下清官張茂蘭復其家

之徭曰為清白吏勸

王

瑁

成山衛監生正德間任內邱知縣卒未流賊攻城甚急瑁設方畧嚴號令冒矢石旦夕不

懈三日賊解去逆瑾黨李達濫竊錦衣百戶特勢作威瑁繩以法瑾怒以他事中之罷官瑾敗事白

嘉靖初祀名宦

韓壁

陽曲舉人正德間任內邱知縣時李達子宗智結姻逆倖江彬黨惡雲鄉里壁擒殺之彬

矯旨繫壁錦衣衛獄武宗崩邑人
和吉等直於朝彬黨伏誅復壁官

于

桂

府軍前衛人進士嘉靖四年以給事中知順
德府時奉例均田議論紛紜桂獨不恤人言

立邱畝法
民甚安之

蕭體元

字善福新野人進士嘉靖間任知府時妖言
泰山神母遷郡愚民惑之幾成大患體元捕

治之焚毀殿
宇巫蠱遂息

李攀龍

字子鱗歷城人進士嘉靖間知府案牘山積
頃刻剖決吏卒經目輒記憶不忘號為神明

人有犯如見肺肝奸偽欲迹教
諸生以詩歌古文詞多所成就

章完之

字與克嘉定舉人嘉靖間知邢臺縣寬厚清
約自奉甚儉雖公費亦多裁省訟獄不任刑

務以教化一時政聲首畿輔以
內艱去老稚遮道至不能行

何

岑

字具瞻扶溝人嘉靖間知廣宗調邢臺邢地瘠硠徵科與沃壤埒岑請於上官得歲減徵

銀九百餘兩邑人不知種稻岑就百泉諸水開渠灌田遂為永利又創置學田贍貧士以最績陞通

判去之日行李蕭然民立祠祀之

歸有光

字熙甫崑山人進士嘉靖末任順德府通判掌馬政有光至署土室蓬戶讀書其中與家

居無異尋陞太僕寺丞

姚

鍾

仁和舉人嘉靖間知沙河邑甚疲敝鍾至擇便於民者次第施行郡守李君以嚴為治諸

縣令受約束惟謹鍾獨酌利害陳民隱多至數十言或勸之鍾曰我不言誰敢言者卒於官士民買

棺以殮

屈

作

華陰歲貢嘉靖間任南和令歲饑盜起作多方賑救賴以安全上官有所索弗應後過南

和問曰曩有札遺何不我答作應之曰朝廷不曾設此項金錢何以答聞者咋舌

婁

樞

懷慶舉人嘉靖間知廣宗時世宗南巡經郡城供需不貲樞辦不擾民有宦官橫索樞抑

之一時感賴

閻光祖

壺關舉人嘉靖間知鉅鹿歲大饑剽竊公行光祖傾倉廩設粥康以濟饑者嚴盜竊之禁

百姓安堵明年疫大作死者枕籍光祖捐俸備藥餌全活甚衆以勞瘁卒於官百姓為之罷市

冀國

輝縣人嘉靖間知唐山邑有盜甚猖獗捕者畏之走國督衆圍之親往曉諭賊授首餘黨

平 悉

杜世鬱

涇陽舉人嘉靖間知內邱世宗南狩供應孔繁世鬱俄頃立辦不以費民擒刁頑呂宗仁

李政等殺於獄築金堤官莊清脩尹村四堡置錦繡堂鶴度嶺民感賴之

石 漢

汝陽舉人隆慶間知內邱明捷果斷胥吏不能作奸徵糧有法人稱其使

王 屏

漢中舉人萬歷中知沙河縣有惠政後同知本府每行部至縣民羅拜於前曰我父也甚

有牽車泣下者

方淑忠

梓潼人進士萬歷中以給事中謫順德府教授量移平鄉知縣應事明敏案無留牘鄰邑

事有疑難者輒檄令治之凡郵傳命使至境則戒車徒無敢擾者

王守誠

字時化嵩縣人進士萬歷間任知府開水利置學田脩武備廣積貯百廢具舉陞山東按

察副使去民
立祠祀之

蕭翼

知順德府持己廉執事
敬比去官囊一琴而已

朱誥

南陽人字清冷進士萬歷間知邢臺有開闢
溉田建堡立倉修學均站築城濬濠勸農諸

善政民立
祠祀之

王大受

合州人字凡生進士萬歷間知邢臺歲大旱
南和任邱與邢臺爭百泉水利兩邑有顯宦

上官阿狗大受力爭事始得平民歌曰前有清冷
後有凡生民之父母邢之福星遷去邢人建祠於
村靜安

焦源溥

三原人進士萬歷間知沙河縣歎親王發粟賑饑詔下各邑自運他邑皆派大戶有車牛

者源溥曰欲以救民反以擾民吾不忍也遣吏以官錢覓送吏胥舞文者雖一錢必置之法及去民

立祠祀之

鄭懋洵

閩縣舉人萬歷間知沙河多惠政賦性簡亢見忌同列為所中罷官貧不能行設教臨清

資脩脯以歸

賈朝宦

字君重鎮西衛舉人萬歷間知廣宗先是官適富民司出納每致破產朝宦罷之聽訟片

言立剖人不稱冤鄰封貲成有廣宗明鏡子之謠

陳與郊

字廣野海寧人進士萬歷間任推官剖決疑獄人皆悅服署郡邑策新法積穀不敷者降

罰與郊殺然曰民已窮矣我復剝割以
應時求非民父母也人稱曰陳佛子

高斗光

字星垣嘉祥人進士天啟間知南和不苛小
民不媚上官汰行戶均水利立社積穀路不

拾遺民為立
生祠三處

徐維藩

巴縣舉人知南和初至誓神之詞慷慨懇
本邑南馬舊制五縣協應撫院改令本縣自

募維藩力爭不得多方調處不
貽累於邑人去官後建祠以祀

唐澤

平鄉知縣築河
堤一百八十里

左佩弦

耀州舉人崇禎間任沙河令邑有沙地七百
餘頃不毛而稅民咸苦之佩弦請於上官得

免盡蠲

鞏皇圖

舞陽人拔貢崇禎間知南和李建泰督師西行迤邐南和所部擾民且責糧糗甚急對曰

皇圖但知閣下奉命西征東歸之糧實未備也聞者股慄

王世泰

遼東歲貢崇禎間知內邱寇掠西山與弟世寧禦之世寧戰歿

吉孔嘉

崇禎十五年知順德府

本朝

大兵至與在籍知府傅梅中書舍人孟魯鉢皆死之

杜前

鹿邑人崇禎末平鄉知縣壬午聞變前懷印至庫中自經死教諭潘希朗訓導李愈芬聞

慎行皆同時殉節

牛文科

任縣人以功授順德府守備崇禎十五年

本朝大兵壓境力戰而死詳見忠節

本朝

連

登

遼東人進士知順德府歲饑力為賑救郡有猾棍頗諳事一日三發其詐仍使執事緣股栗為改行擢山東副使有瞽者數十當轍卧曰吾輩無目不能睹公顏色請撫摸以誌去思登從之再拜痛哭而去立生祠於北門

內康

熙五十九年入祀名宦

錢國琦

字廷瑞滿洲人順治四年知廣宗縣六年三月土寇攻城國琦率其弟國璞等衝鋒奮擊

賊大敗遁去邑賴以全方戰酣時國琦中流矢手拔其鏃血纓纓出裹瘡再戰毫不為怯士民感之有血戰全城碑紀其事

高

顯

祀縣人知邢臺縣俗有左道白蓮大乘等教煽惑愚民徒衆稍稍聚集顯親詣村落廉得

首事數人置之法開誠化導邪說遂息康熙三十五年祀名宦

簡

上

巴縣舉人性至孝幼時曾於百里外負米養親知鉅鹿縣以廉能擢吏部文選郎後督學

江南清白著稱所著有四書彙解行世祀名宦

王原祁

字茂京太倉人康熙庚戌進士知任縣地當九河下流淤漳諸水復久壅塞腴田變為污

渚塔圯臺劉累泊等處即古大陸澤為患尤甚甲子乙丑秋雨連旬水勢陡發隄岸盡壞田萊俱成巨浸原祁請照淮揚例永免水荒田賦三千餘金民困以甦其餘如築隄以防水患建橋以通水道斃盜賊以安民命明傑介以昭典禮發倉儲以救甦羸著蹟難以枚舉丙寅奉

命行取擢諫垣改翰林累官少司農卒於位
恩賜祭葬如例康熙五十九年入祀名宦

朱

玉

漳浦人順治元年任平鄉縣典史年二十餘
驍勇善騎射六年五月山東土寇犯境玉解
糧歸露宿城頭待旦出戰馬蹶被
害民人哀之為建烈士亭以祀

廣平府

周

大戊午

趙相趙肅侯遊大陵出於鹿門大戊午叩馬
曰朝事方急一日不作百日不食肅侯下車

謝

公仲連

趙相趙烈侯好音欲賜鄭歌者櫓石二人田
各萬頃數問公仲連公仲連終不與乃稱疾

不朝番吾君自代來謂公仲曰君實好善而未知
所持今公仲相趙於今三年矣亦有進士乎公仲
曰未也番吾君曰牛畜荀欣徐越皆可公仲乃進
三人烈侯使使謝相國止歌者之田官牛畜為師
荀欣為仲尉徐越為
內史賜相國衣二襲

漢

尹

勲

字伯元河南鞏人州郡連辟察
孝廉三遷邯鄲令政有異跡

韋

義

字秀節京兆杜陵人初任州郡太傅桓焉辟
舉理劇為甘陵令甚有政績官曹無事牢獄

空虛上書順帝論古典考功黜陟譏切左右刺實
氏言不行以兄喪去官比辟公府不就卒縣民為

義舉哀若
喪考妣

三國

涼茂

字伯方昌邑人魏武辟為司空掾遷甘陵相所在有績

司馬芝

字子華河內溫人為魏廣平令將軍劉勲貴寵驕豪與芝書多所屬託芝不報一皆如法

遷大理正出為甘陵太守甚有治績

南北朝

張恂

魏皇始中為廣平守招集離散勸課農桑民歸之者千戶

楊懿

華陰人延興末為廣平太守有治績高祖南巡吏人頌之加寧遠將軍賜帛二百疋

曹世表

字景昇魏郡人延昌中除清河太守治官省約吏人安之

羊

敦

字元禮鉅平人魏永安中為廣平太守有能名奸吏秋毫無犯性清儉屬歲饑家餽未至

使人採藹根而食過有疾苦家人解衣質米以供之朝廷以其清白賜穀千斛絹百疋興和初卒吏

民莫不悲慟

房景伯

字長暉東清河人除清河太守郡民劉簡虎曾失禮於景伯聞其鄰郡闔守逃亡景伯署

其子為西曹掾命諭本境山賊賊以景伯不念舊惡一時俱下論者稱之將代民表留復任二載遠

司空長史

杜

纂

字榮孫常山人魏肅宗初拜清河內史性儉約見民疾苦對之泣涕勸督農桑弔死問生

甚有恩紀後遷去正光末郡人頌其德政乞重臨郡詔許之

宋世良

廣平人魏孝莊時守清河盜賊屏跡值大赦郡無一囚獄滿蓬蒿其冬醴泉出於界內及

代至傾城祖道莫不攀轅涕泣

裴讓之

字士禮河東人齊清河太守盜賊清靖奸宄斂跡

路去病

陽平人齊武平中為成安令京城側有鄴臨漳成安三縣舊號難治重以請屬去病以禮

抗答勢要憚其風格以治最稱

隋

楊善會

字敬仁華陰人大業中為郿令討山東賊帥張金稱等有功擢清河丞後追捕金稱斬之

賜上方甲稍弓劍進拜通守實建德陷清河被執不屈死

唐

畢

炕

倨師人天寶末為廣平太守安祿山叛攻城急炕堅守不支城陷死賊覆其家贈戶部尚

書謚

曰忠

張

仵

德宗時守臨洛田悅攻之固守累月士死糧盡救不至仵悉召部將命女出拜因曰諸軍

戰良苦吾無資為賞願以女賣直為一日費士皆哭曰請死戰會救兵至仵乘勝出戰無不一當百

以功遷泗州刺史

裴琰之

河東聞喜人永徽中為永年令有惠政吏民刻石頌之

韋景駿

神龍中肥鄉令縣北瀕漳苦溢舊堤易壞景駿相地移南十步因高築障水至堤趾輒去

其北燥為腴田又維艚以梁其上而廢長橋功少
費約河北饑射出撫循民免離散及去人立碑頌
功其

楊茂謙

中宗景隆間為
臨沼令有治績

張巡

鄧州南陽人開元末擢進士第出為清河令
治績為最或以困阨歸者傾貲賑護無吝後

守睢陽屢抗賊力
竭遇害忠烈顯著

馮元淑

安陽人為清漳令右善去惡人稱神明與奴
僕日一食馬日一秣所至不繫妻子斥俸餘

以給貧窮或識其近名元淑曰吾性也
不為苦中宗降璽書慰勞付狀史館

五代

張源德

梁貞明中守貝州時河北山東數十州皆歸晉獨貝一州踰年不下城中食盡勸源德出

降不從
見殺

吳 巒

字寶川廬縣人晉出帝時守貝州善撫士卒天大寒裂帛憐慙以衣之開運初契丹圍貝州

四面急攻巒從城上投薪草焚其梯衝
殆盡牙將邵珂開門迎敵巒投井死

宋

陳 淬

莆田人紹聖初擢知恩州與長子仲剛拒金兵飛刃及淬仲剛以身蔽刃死之明年金復

來攻淬大敗之後淬與從
子仲敏俱死節於建康

李

繹京兆萬年人權知貝州歲寒繹為酒務市薪草溢常數民多樵採自給得不死又嘗奏罷

邊輸防城草
歲十餘萬

盧之翰

祁州人判洺州契丹入寇之翰募丁壯決漳御河以固城壁契丹不能攻遷太常博士吏

民詣闕
請留

董元亨

東鹿人通判貝州王則據城叛賊黨環甲露刃索庫鑰元亨叱之曰妖賊乃敢弄兵我有

死耳鑰不可
得遂遇害

杜

紘

字君章濮州甄城人起進士為永年令歲荒民將他往召諭父老曰汝若留我能使汝無

饑皆喜聽命乃官給印券使稱貸於大家約歲豐為督償於是咸得食無徙者明年稔償不愆期

郭詒

趙州人舉進士仁宗時攝肥鄉令時縣田賦不平詒至閉閤數日以千步方田法四出量

括遂得其數除無地之租者四百家正無租之地者百家收逋賦八十萬流民乃復

寇準

下邳人知成安縣每期會賦役未嘗輒出符移惟具鄉里姓名揭縣門百姓莫敢後期者

黃莘

莆田人嘉祐中任清河令以治行聞

金

劉敏行

平州人天會中令肥鄉歲大饑盜賊掠入為食老弱入保郡城不敢耕種敏行白州借軍

士護民出耕日則閱民入城由是盜不敢犯耕稼滋植

黃久約

東平須城人世宗時授磁州刺史磁並山素多盜既復而款服者審錄官或不時至繫者

多以杖殺或死獄中久約惻然曰民雖為盜而不死於法可乎乃請盡讞之而後行

完顏齊

穆宗魯孫章宗時為磁州刺史治以寬簡未嘗留獄屬邑武安有道士視觀宇不謹吏民

為請鄰郡王師者代主之道士忿奪其利告王私置禁銅器法當徒縣令惡其為人反坐之具獄上齊審其誣又以王有德不忍坐之問同寮無以對齊曰道士同請即同居也當準首俱釋其罪人服其寬明有大體磁名郡刺史皆朝廷遴選郡人以前政有聲如劉徽柔程輝高德裕皆不及也河北提刑司以治狀聞

元

張

礎

通州人世祖時改知威州有婦人乘驢過市者投下官昂吉之奴引鳴鎗射婦人墜地奴

匿昂吉家礎將以其事聞昂吉懼乃出其奴論如法

王士元

思州人泰定中遷知磁州值軍興餽餉需索日繁士元心念其民力為區畫至為將士陵

辱訶責弗避也

劉容

字仲寬中統時為廣平路總管有同姓爭財產者訟連年不決容至取籍考二人父祖名

字立斷之獄訟稱平

張居敬

字行簡廣平路總管浚河以防汎濫立長平倉以恤孤貧均賦役興學校郡人德之

邢秉仁

延祐中廣平路總管平冤獄發奸摘伏興學勸農善政甚多

田郁

保定人延祐間任威州守田野闢賦役均人思其惠

劉明善

大名人至元間任雞澤尹遇事精敏勤於吏治秋雨水漲築長堤於城西發威州匿茶之

弊課額立辦摘伏
若神盜賊屏跡

霍安道

平山人至正年令雞澤興學
校修城垣勸農桑百姓謳歌

苗澤

懷孟人至元間為邯鄲簿政先愛民議葺館
傳長夫革每歲稅賦車戶民感之為立碑頌

其德

劉仁

字寬夫平鄉人至元間授成安尉和易近民
定差銀以戶之貧富高下為則無纖毫冒濫

招還逃役民百餘戶值歲旱監司委之賑荒照民
甲乙其名斗斛公允秩滿去民攀留不得為之立
碑

明

陸禮

浙江人進士洪武中令永年時當草創禮建署字開學校闢土田定經制民咸安居焉

高祐

字天錫上海人廣平知府探履清慎一室蕭然晏如也一日偶令所部市茶邑令密置銀

二錠祐啓之笑曰爾謂我有求耶却還之

楊浩

字大宣荊州人永樂初知廣平府振學作士均賦役弭不軌有明治廣平稱浩為最

李鼎

山陽人進士永樂中令清河撫恤貧窮民戴之如父母擢工部員外郎

史善

解州人正統時以監生授邯鄲知縣性醇厚民有不率教者薄責以示辱已而民俱感化

無犯刑者

秦民悅

字崇化舒城人進士成化中知廣平府剛毅明敏檢勘荒田馬地三千餘頃平反冤獄招

集流亡民
多稱之

李

進

字時勉曲沃人進士成化中知廣平府平易近民作興士類修利民開灌田千餘頃疏渠

引流皆有成
法民受其賜

劉

堯

南昌舉人成化中令成安民頗健訟堯察其奸頑者懲以法刁風頓息學宮頽敝力新之

募政來者日衆乃立歸市近悅二社
以處新附又闢小東門以便農作

言

芳

字時榮鄒平人進士弘治初知廣平府性簡抗不畏權貴嘗有行縣者芳俱饒疏簡雖見

忤不為少動
坐是左遷

陳

欽

字亮之上元人進士弘治中知廣平府臨事果決蹕屬迅發百廢俱興每巡行屬縣問民

疾苦體察有司賢不肯隨示懲勸
有聞風解綬者郡人號為陳母

解

經

醴泉舉人弘治中知邯鄲清介絕俗妻子躬
自確磴一日歸自郡道渴或以瓜獻者經探

囊中無錢乃却瓜飲水貧民通賦
累年經與約次第輸之不刑一人

林

瑱

字以圭莆田舉人弘治中令清河奏蠲力役
以甦民困除豁馬政以省民財有封糧地作

牧場至八百二十頃瑱奉勘悉以
其地還民斷決寬滯園園為空

朱

榮

豐城人進士正德中令曲周流賊亂後屯民
去就不常招徠撫綏民以復業戊寅歲饑請

於上賑之做富弼救
荒法全活者甚衆

華

津

字濟之無錫人進士正德中守廣平政尚寬
簡興學校禁豪強有貴戚占清河田力為除

豁民立
祠報祀

張

羽

字伯翔南鄭人進士正德中守廣平下車即治巨猾數人梗化者屏跡建漳州書院以造

士科目增盛有權貴與民爭田者羽執法坐是被逮至京百姓為之中辯事竟得白調任河間府

張

偉

米脂監生正德中令邯鄲時劉盜猖獗攻畧城邑偉增修縣城為守禦計建樓橋築墩臺不踰月事竣寇至環攻不

克數日解圍去邑賴以寧

許汝進

睢州舉人正德中令成安當賊亂後歲歉民饑勤儉率下謹簿籍禁包苴興學校撫流亡

訟簡
盜息

高汝行

太原人進士嘉靖初守廣平時有豪俠為民害前守莫能禁汝行至按以法境內肅然為郡

城西南有地甚廣為鑿渠修堰築滄水以灌之成稻田若干頃歲獲大利民德之建生祠於通渠

錢 木

海鹽人進士嘉靖二年令威縣凡所創建皆興教厲俗為經久計威邑有志自木始

孫 允 中

兗州人進士嘉靖初令永年政理平和訟者片言折服有不事生業者諭以務本力穡以

是民無遊惰邑供應皆取辦於里甲白郡守代以城壕水利民得自休以治績擢去泣留者遮道以

陳 府

上元人進士嘉靖初令肥鄉政尚寬厚以興學勸農為首務民有兄弟訟者諭之輒感化

擢南京御史民流洋送數百里

桂 萼

安仁人進士嘉靖初令成安知民間無蓄積乃省覆田畝節減徭役每戒民勿輕訟鄰邑

有疑獄久不決者多來質成兩造俱服

陳

俎

字少至封邱人進士嘉靖中守廣平自奉如寒儒郡舊土城首捐俸易以磚石規制煥然

公堂未嘗設一案郡人建祠祀之

茅

坤

字鹿門歸安人進士嘉靖中由禮部郎謫廣平判負海內重名嘗佐陳給事裴階大名志

為冉子祠堂記辨析精詳至今膾炙人口

毛汝麟

龍游人進士嘉靖中通判廣平和易道人不立崖岸攝篆肥鄉恤疾苦均徭役優禮士大

夫脩振學宮比去士民遮道留

朱

泰

鄧縣人進士嘉靖中令永年歲旱躬歷四郊問疾苦賑貧乏大水將入城泰拜祝泥濘中

忽城樓自崩水得阻塞取舡湓河溺民得濟甯地之不可稻者復教民種葦民戴之如父母

劉教

字見川廬陵舉人嘉靖中令廣平進諸生講學以誠信感孚人心審編均徭閭邑稱平府

良其法頒以為式人有以數百金賄者麾而笞之擢刑部主事

申

溪

安陽選貢嘉靖中令廣平甫下車即問民疾苦毅然與除邑故有太僕寺庫役歲費不下

千金力請罷之遷安州士民擁留遮道

索

紹

靈寶監生嘉靖中令清河時世宗南巡所在苦供應紹以邑小民貧所費視他邑十省八

九然竟以此調去民為立祠

唐音

武進人嘉靖中為雞澤知縣才膽力勤為民興革尤盡心於獄訟朝議市馬他縣多戚取

於民音不忍上官督之急即投劾請去民間爭出馬半日而足肥好更為諸縣最卒於官索無餘貲

焉

瞿

晟

黃梅人嘉靖中為廣平知府鑿長渠三百里引水為四閘得田數千頃有盜掠人晟默禱

於神從衆中呼盜名誅之一郡驚服

任

環

長治人嘉靖間進士知廣平府以檢樸導誨鄉閭民有奢侈犯禮必加鞭撻孝弟力田者

獎勵之莅任三載民皆化焉

李

栻

豐城人進士隆慶初令肥鄉以理學名行鄉約立保甲設義倉建社學社郵米堤口以防

水患積穀萬餘石以備凶荒捐俸恤貧士絲毫不得擾於民民建祠繪象以祀

孫惟中

寧海監生隆慶中由永年丞遷清河一僕自隨獨勵苦節自言死期適月暴卒檢囊中僅

餘錢二百文士
民為舉喪甚哀

蔣以忠

字子孝常熟人進士萬歷初知廣平府廉明
仁恕達於政體修學宮興士類開文通街建

潤民聞歲旱民饑開
倉勸賑全活者甚眾

馬翰如

陳留人進士萬歷初令永年獄有冤抑必為
伸剖凡經其參決者無敢再控城嘗苦水相

地勢決孟家口以通壅積洺水多溢為之築堰開
括滏陽稻田增千餘畝至今利之收條鞭革種馬
大戶邑人為建
生祠於午橋側

方逢時

嘉魚人進士萬歷中令曲周甫冠政務通達
簡訟便民繩吏去弊以艱去任至兵部尚書

陳簡

此田人進士萬歷中知廣平府振法紀釐奸
弊值歲歉賑貸多方會西寧有警料丁壯修

軍械葺城保用戒不虞每朔望俾多士執經問難於前校拔其尤者於書院中肄業

劉芳譽

陳留人進士萬歷中以御史知廣平府未及期境內大治政暇與生徒課藝談經慨然以

啓佑後學為任遴九序之俊羣居正學書院次甲乙而簡拔焉

耿鳴雷

新城人進士萬歷中令永年淳樸寬厚推誠與人八年如一日有兄弟相訟者以孝弟諭

之輒自感化風俗由是改觀擢御史

馬大儒

陽信人進士萬歷中令曲周明達果決片言折獄捐俸金買田數頃收租備賑擢吏部民

立碑
建祠

廉靖

鄱陽舉人萬歷中令肥鄉歲大饑移文請賑全活者數萬徵糧不取耗羨令民自收自解

吏胥無所假手

曹司宰

宜興舉人萬歷中令肥鄉革稅耗公費可數千金舊例歲買馬解邊司宰以值給民令小

戶貼大戶而大戶自市良馬解同寺民免苦累又創寒春院以棲貧民有投暮夜金者却不受擢刑部主事

歐陽調律

合州人進士萬歷中知邯鄲縣清操自守羨耗分毫無取尤樂於課士經其指授率

多成立沁河泛溢侵城築石堤障之至今永賴因號歐堤

于從政

膠州舉人萬歷中令清河邑東舊有溝渠淤淺不治從政力請上官募民修濬自蓮花池

以至石家堤口通馬頰古黃河而達海邑得免水患

張鳳翔

堂邑人進士萬歷末任廣平推官年少精敏平反無冤抑兩攝邑篆皆有政聲歷任至尚

書

徐廷宗

建德人進士天啟中任廣平推官性簡樸執法無移值水患民露處失所廷宗聲囊賑濟

不繼驚袍帶以佐之

曹大章

襄陵舉人天啟中令雞澤性方嚴簡易錢糧毫無羨餘各鄉車牛芻豆之類註簿鈐記週

而復始無賂脫重累諸獎舉卓異第一以難去

郝

綱

齊河人進士崇禎中由肥鄉調繁永年才能肆應在肥禦盜賊建磚城修養正書院在永

時值奇荒撫綏賑濟備極勞瘁造士有法多執經問業者以卓異擢給事中

趙宋乾

河南人進士崇禎中令成安有惠政邑人祀之

張弘治

號夢萊項城人進士崇禎中令廣平戊寅之變饑饉流離弘治從容安定各得其方一時

士民免兵革搶攘之患縣舊土城弘治易以磚石匝月告竣士民賴焉

師朝讓

清澗人善騎射崇禎末為肥鄉典史土寇四起朝讓率義勇直搗賊巢焚柵進擊擒其帥

餘皆望風走隣縣村落皆遭焚毀獨肥安堵如故

本朝

沈志禮

鑲白旗人知磁州值亢旱二麥皆荒督令開濬渠道晝夜灌漑秋禾乃登凡催徵錢糧獨

示曉諭不差一役賦亦全完歷陞湖北市政使康熙四十六年祀名宦

任塾

江南懷寧人進士知磁州性廉介抵任盡革從前陋規以學宮頽廢鬻產五百金修之崇

文課士獎勵有方由是磁州科目浸盛康熙五十九年祀名宦

李允登

四川人知曲周縣清廉方正不激不隨講學課農俱以實心化導不務虛名去後士民至

今思之
祀名宦

華士捷

字亦三江南人由舉人知廣平縣邑患漳河水衝向無城郭衙署文廟俱就頽圯士捷捐

俸修建力請開河築濬甍臨水患頓息在任十七年清勤自勵卒於官祀名宦

劉學坦

華容人由舉人知清河縣禁賭博革除一切私派疏馬夾河民商稱便以憂去任祀名宦

畿輔通志卷六十九

欽定四庫全書

畿輔通志卷七十

名宦

大名府

周

仲

由

為蒲宰孔子過之入境三稱其善子貢問之孔子曰入其境田疇盡易草萊甚辟溝洫深

治此其恭敬以信故民盡力入其邑墻屋完固樹木甚茂此其忠信以寬故民不偷入其庭甚闢諸

下用命此其明察以斷故民不擾

漢

韓延壽

字長公燕人宣帝時為東郡太守上禮義好古教化表孝弟有行修治學宮繕城郭收賦

租先明布告其日以期會為大事吏民敬畏趨向之又置五正長相率以孝弟毋舍姦人在郡三歲

令行禁止為天下最見人物

王尊

字子貢高陽人為東郡太守河水盛溢浸瓠子金堤因止宿廬居堤上吏民叩頭救止尊終不

去及水成堤壞尊立不動水波稍却迴還吏民奏

其狀於是制詔御史職尊中二千石加賜黃金二十斤卒氏祀之為河侯祠見人物

東漢

姚

期

字次況光武時檀香五樓賊入繁陽內黃魏郡大姓數反覆而更始將卓京謀欲相率反

鄴城帝以期為魏郡太守行大將軍事期發郡兵擊京破之郡界清平

耿

純

字伯山鉅鹿人世祖時為東郡太守傳見人物

魯

丕

字叔陵扶風人建初時為東郡太守丕在郡百姓殷富數薦達幽隱名士明年拜陳留太

守

張

酺

字孟侯汝南人顯宗開學於南宮置五經師酺以尚書教授數講於御前以論難當意酺

宗即位出為東郡太守酺雖儒者而性剛斷下車擢用義勇搏擊豪強長吏有殺盜徒者酺輒紫之以為令長受賊猶不至死盜徒皆饑寒傭保何足窮法乎元和二年東巡狩幸東郡引酺及門生并

郡縣掾史並會於庭帝先備弟子之儀使酺講尚書一篇然後講君臣之禮視事十五年遷魏郡太守

岑

熙

南陽人岑彭三世孫安帝時為魏郡太守招聘隱逸與叅政事無為而化視事二年與人

歌之曰我有枳棘岑君伐之我有蝨賊岑君遏之雞犬不驚足下生麓含嘯鼓腹焉知凶災我喜我生獨定斯時美矣

岑君於戲休茲

仇

覽

字季智一名香陳留人為蒲亭長勸人生業為制科令農事既畢令子弟還黌學期年大

化有陳元者獨與母居而母詣覽告元不孝覽驚曰毋守寡養孤奈何欲置子於不義乎母感悔涕泣而去覽親過元家為陳人倫孝行元卒成孝子鄉邑為之諺曰父母何在在我庭化為鵲巢哺所

生

黃

香

江夏安陸人延光元年遷魏郡太守郡舊有內外園田常與人分種收穀歲數千斛香曰

商者不農仕者不耕伐木食祿之人不與百姓爭利乃悉以賦入課令耕種時被水年饑香力處賑

給之予瓊亦魏郡太守

陳

球

字伯真下邳人為繁陽令時魏郡太守諷令球納貨賄球不與之太守怒而撻督郵欲令

逐球督郵不肯曰魏郡十五城獨繁陽有異政今受命逐之將致議於天下矣太守乃止尋辟公府

後歷魏郡太守

臧

洪

字子源廣陵人漢末為東郡太守曹操圍張起於雍邱甚亟洪故與超同約赴難徒跣從

袁紹請兵紹不聽超遂族沒洪由是絕不與紹通
紹興兵圍之歷年城陷紹生執洪謂曰今日服未
洪據地瞋目曰諸袁受漢恩王室衰弱不為扶翼
欲因際會希冀非望洪恨不推刃為天下報讐何
為服乎紹見洪辭切終不為已用乃殺之洪邑人
陳容隨洪為東郡丞起謂紹曰將軍舉大事欲為
天下除暴而首誅忠義豈合天意紹慚使人牽出
容呼曰今日寧與臧洪同日死不與將軍同日生
殺復見

三國

胡質

壽春人魏武辟召授頓邱令性沉實內察不以瑣節檢物所在見思

王

修

字叔治北海人魏郡太守治仰強扶弱明賞罰百姓稱之

陳

矯

字季弼廣陵東陽人為魏郡太守時繫囚千數至有歷年者矯以為周有三典之制漢約

三章之法今倡輕重之理而忽久繫之患可謂謬矣悉自覽罪狀一時論決

羊

茂

字季實為東郡太守冬月坐白羊皮夏月坐一榆木板床出界買鹽鼓食之

鄭渾

字文公開封人文帝時陽平郡太守郡界患水滂渾於蕭相二縣界鑿陂比年大收民賴

其利刻石頌之號曰鄭陂轉魏郡太守其治放此明帝下詔稱述布告天下

晉

鄭默

字思元為東郡太守值歲饑默開倉賑給乃舍都亭自表待罪朝廷嘉默憂國詔書褒獎

比之汲黯
頌告天下

樂廣

字彥輔南陽人為元城令史稱廣為政無當時譽去為人所思

南北朝

孟業

字敬業鉅鹿人皇建初為東郡太守以寬惠著境內麥一莖五穗其餘或三穗四穗人以

為政化所感見人物

羊烈

字信卿太山人齊天保中為陽平太守蝗不入境勅書褒美

明亮

字文德平原人魏陽平太守清白愛民甚有惠政朝廷嘉其風化轉汲郡太守吏士往往

追思之

許惇

字良季高陽人東魏陽平太守時遷都鄴陽平稱筆戟郡軍國責辦賦歛無經又勲貴囑

請朝夕徵求惇並御之以道上下無怨治為
天下第一特加賞異圖形於闕詔頒天下

隋

魏德深

鉅鹿人煬帝時為貴鄉長不嚴而治會征遼
賦歛無算德深調度轉給百姓不擾時盜賊

羣起或陽諸城多陷
唯貴鄉獨全見人物

唐

狄仁傑

太原人通天中為魏州刺史契丹侵冀州河
北震動前刺史懼賊至驅民保城修守具仁

傑至曰賊在遠何自疲民萬一敵來吾自
辦之何預若輩悉縱就田契丹亦引去

蘇幹

武功人垂拱中魏州刺史河朔饑前刺史苛
暴百姓流徙幹掄吏督姦勸課農桑流民盡

復以稱治

張廷珪

河南濟源人歷魏州刺史景龍中宗楚客武延秀韋溫等封戶多在河南河北諷朝廷詔

兩道蠶產所宜雖水旱得以蠶折租廷珪謂兩道倚大河地雄奧股肱走集宜得其歡心安可不恤其患而殫其力願依貞觀故事準令折免詔可

陽

嶠

唐宗初魏州刺史以清白聞遠本道按察使魏人鵬而闕下請嶠為刺史故再治魏

崔

沔

字善冲長安人為魏州刺史時雨潦敗禾沔使宜行事賑饑恤貧郡人大悅

崔

璿

博陵人代宗時為澶州刺史不為煩苛人便安之流亡還歸居二年增戶萬數詔特進五

階以寵異政

宋

王嗣宗

汾州人開寶間進士通判澶州並河東西植樹萬株以固堤防上言澶州惟酷斗校省斗

不及七升民犯法釀者三石以上坐死有傷深峻乞詔並準省斗定罪從之

陳

恕

字仲言南昌人太宗時知大名府契丹南侵詔增浚城隍民不時辨恕立擒府中豪右一

人械之以狗吏衆皆股慄無敢後期數日功就會契丹引去召為諫議大夫

趙昌言

孝義人知澶州有操畧治軍嚴肅蒞民以和豪民有時薦芟園厚利者誘姦人穴堤致決

溢昌言伺知之盡籍豪家所儲積供用罄其貲境內肅然

張禹珪

字天錫真宗時知澶州頗勤政事以瑞麥生獄隙地下詔嘉獎河堤決溢禹珪率徒塞之

宰相王旦使充州還
言其狀優詔褒之

陳堯咨

字嘉謨閬中人知天雄軍自契丹修好城壁
器械久不治堯咨葺完之仁宗時復知天雄

陞辭上特賜金魚以示優渥且曰天雄朔方會府
非文武全才不可故命卿耳尋改判澶州令行禁

止境內
肅然

程琳

博野人判大名府持重不擾前後守魏十年
度要宮繕壁壘增守禦備植雜木數萬曰異

時樓櫓之具可不出於
民矣郡人愛之為立祠

陳觀

字思正絳州人仁宗時知澶州河壞孫陳掃
及浮渠州人大恐或請移北原以避水患觀

曰太守獨去如州民何乃躬率徒塞之堤完水
亦尋止觀持守廉白仁宗飛白書清字賜之

蘇舜卿

易簡之子舉進士知長垣縣有惠政

葛書舉

江陰人熙寧中知長垣縣為政明察吏民畏服

韓

琦

字君玉衛州人神宗時知澶州河決晝夜為民捍禦尋坐事貶秩神宗追念舊勞詔還故

職琦興學勸士吏事絕人所閱牘終身不忘澶州民懷思之他日郡守或欲有所為民必曰此已經

韓大夫笑以故輒止

文彥博

字寬夫汾州人熙寧中判大名府彥博以耆德出鎮務大體不嚴而治身雖在外而帝眷

有加

程

顥

洛陽人神宗時簽書鎮寧軍判官時程昉治河取澶卒八百虐用之衆逃歸羣僚畏昉欲

勿納顗曰彼逃死自歸不納必亂若昉怒吾自任之即親往撫勞欲少休三日復役衆歡踴而入具以事上得不遣昉後過州肆言曰澶卒之潰蓋程中允誘之吾且訴於上顗聞之曰彼方憚我何能為果不敢言

韓

綜

靈壽人神宗時通判天雄軍河溢金堤民依丘塚者數百家綜令曰能濟一人予千錢民

爭操舟筏以救俄而丘塚多潰

韓

絳

絳弟神宗時為北京留守河決小吳掃議者欲傍魏城鑿渠東趨金堤役甚急絳言功必不成徒耗費國力而使魏人

流徙非計也三奏迺罷之

黃

友

字龍友溫州人徽宗時判澶州金人敗盟郭藥師以常勝軍叛燕士響應友獨領數千人

與之戰躬冒矢石士卒奔潰敵執友謂曰降則救汝友厲聲曰男兒死耳遂遇害帝書忠節傳家四

字旌

金

梁

肅

字孟容奉聖州人攝大名少尹正隆末境內盜起百姓陷賊中不能自辨者數千人皆繫

大名獄肅蒞任驗得其情讞出者十八九

圖克坦銘

字國本大安三年知大名府時薦饑重困銘乞大出交鈔以賑之

圖克坦公弼

本名錫里章宗時知大名府事時南侵宗軍興有司督逋租及牛頭稅甚急公弼奏

軍士從戎民日疲敝可緩征以舒民朝廷從之

元

張弘範

定興人至元二年為大名總管大水租稅無出弘範輒免之朝廷罪其專擅弘範入見曰

臣以為朝廷儲小倉不若儲之大倉帝曰何說也對曰今歲水潦不收而責民輸倉庫雖實而民死亡明年租將安出曷若活其民則歲有恒收非陛下大倉乎帝曰知體

達實特穆爾

寧夏人天歷間監南樂有善政民為立碑

張禎

大梁人至元時知開州會寇盜兵食方急禎乃立三等九甲之法調劑輕重盡中程度衆

大悅及代百姓泣送為立遺愛碑

陳執中

宿州人至正中歷清豐縣尹時兵革數興民多凋耗執中平賦役課農桑復裒羨餘以飭

學校境
內蔚然

明

柳

申

漢中人洪武初自蜀來歸任大名知府為政務經術尚德緩刑有循吏風

焦

昉

字孟昇定興人永樂初知長垣九年百姓保留進職知州仍理長垣縣事撫民子惠如父

母宣德八年卒垣民相與營葬於邑城內東南隅又為築室居其妻于遂世為長垣人

翟

整

直隸滿城人永樂間知南樂縣修舉廢墜孜孜不輟政務寬平職滿邑人不釋留之後遂

家馬

李

輅

安邑人正統初以御史出知大名府尋加參政仍掌府事曾鶴齡稱其為政清而溫惠而

直廉而不激寬而不
繼時人以為實錄

李

瓚

臨汾人成化間知大名府歲饑檄屬縣備賑
每歲春散而冬欲民無轉徙者又漳衛二水

滌紆郡邑瓚建浮艘四一在府南門外一在李家
道口二在小灘民乃不病涉當弘治丙辰河決長
垣東明間瓚築長堤延袤二百餘里世享
其利瓚在任十有二年至今民不能忘

韓

福

字德夫西安籍天長人舉進士弘治十一年
以監察御史出守大名立保甲法以時詢察

之盜賊滅迹道不拾遺鼓樓下常置認物亭令境
內有遺遺者一錢以上齎投亭中許亡者認取諸
州縣吏民以公役獄訟詣府者率不解行李人
投衣囊亭中畢各持去問遺旬日他吏民不敢越
也居八年以治平為
天下第一賜晏光祿

李嘉祥

貴池人弘治中知開州性明敏深燭奸弊毀

迨正德中流寇起畿輔多被其累獨開以城固得全民益思之

鮑

琦

麻城舉人弘治間知大名縣漳水溢田舍飄沒琦相土築堤不三月而功成水患以息至

今呼為鮑公堤

王懋中

安福人進士弘治中知南樂縣精明敏達吏不能欺官至都御史從王守仁平宸濠之亂

何塘

正德初進士官脩撰剛正不阿以忤劉瑾謫開州同知時稱其一介不取之廉萬夫不當

之勇

劉鸞

陝西白水舉人正德五年知東明縣時流賊攻東門二日幾陷鸞登城督戰幾百餘合項

刺二鎗神色不變巡守彌勵乘風縱
火賊圍始解監司以狀聞特賜綵緞

馬

卿

字敬臣林慮人正德七年知大名府大名故
多盜自罷置守衛境內無寸兵可恃卿抵郡

檄州縣繕城濬隍募膂力者別為隊伍擇縣令陳
智教諭陳惻總領團練定賞格以訓勵之人人無
不效死聲震河朔
盜不敢犯其境焉

高

夔

陝西義渠人正德間由舉人知大名縣時流
賊劉七齊彥明等自燕趙轉掠而南夔脩城

塹具火炮戰車賊知有備遁去事平因鮑公堤築
為外城城外別有小堤禦水重閘疊塹邑人賴之

張漢卿

儀封人進士正德間知魏縣嚴明果斷摘伏
如神一夜秘行至酒肆門聞有姑嫂釀酒聲

姑謂嫂曰此酒好似張爺一清徹
底懼刑科給事中以議大禮罷歸

潘

墳

字伯和山陽人進士正德間由兵科都給事忤權貴謫開州同知先是城曠而虛白晝行

劫墳徙鄉里富豪千餘家實城中市廛稠密奸盜歛息嘗修忠烈二祠及循吏鄉先生行實炳烈者

入祠惠政不可悉舉

喬

壘

山後人正德辛未薊盜劉六等率衆萬餘攻東明壘以指揮從遊擊將軍許泰奉命擊賊

被圍二日將陷壘為先鋒大戰於城東賊衆我寡與千戶姜某俱戰死己而泰以重兵繼之賊乃敗

去許泰亦山後人姜千戶宣府人不知其名

蔣

舜民

江陰人正德中進士知清豐縣初縣田賦高下懸絕民力不支舜民立均田之法區畫中

度風弊一清

朱

純

長洲人嘉靖二年知開州汰冗費革弊政羣吏肅然操持廉潔於民纖芥無所取論者與

庶范
並稱

王叔果

永嘉人嘉靖壬戌進士以兵部郎出守大名崇尚理學復修天雄書院造就多士一時知

名之彥多
出其門

葉溥

龍泉人嘉靖五年知大名府性剛介自持務廉白寡言笑雖僚佐皆嚴憚之不敢干以私

境內肅然相隨至官唯兩童子琴書一囊而已去郡之日亦如之

王德

永嘉人嘉靖間大名推官決獄如神滑人為捕賊誣陷德讞出之滑人立祠以祀

曹邦輔

定陶人進士嘉靖十二年知元城操持廉潔胥吏憚之節省里甲之費歲數千計時邊方

多故上官促辦軍器甚棘悉以公帑羨餘給之毫髮無取於民歲饑賑貸有法民賴全活

李

冕

章邱人知大名縣按地丁以均徭役百姓稱便都御史下其法於州郡著為例遷本道副

使邑父老願尸祝之冕嚴禁弗許士論重之

諸

稱

秀水人由進士嘉靖間知大名縣妻孥不入官舍清約如寒素興學勸農脩舉廢墜置學

田數頃以贍貧士復築堤以障河民至今賴之

潘

驤

烏程人嘉靖間謫大名判治操體要所著大名府志當時與茅坤並稱

金應照

吳縣人進士由山東簽事謫知開州歲饑設法賑恤全活萬數遷去行李蕭然當時有襟

懸皎月守潔登潭之頌

王芳

湖廣人由進士嘉靖間知魏縣革里中無名之科祛徭役不平之弊歲饑賑濟有法全活

甚衆

樂

馥

臨川人精天文學歷光祿卿掌欽天監事嘉靖甲申五星聚營室廷臣並上表稱賀馥獨

抗疏以為非是禮官劾奏之出守大名府馥以列卿宿望出典郡事不嚴而化馥亦不以重臣倦民事案無停牘辨決如流獄舍累旬月無繫者尋復原官去吏民追思之

張

謙

慈谿人嘉靖二十年知大名府以廉馭吏終謙之治更無敢受一錢者故事養馬常課外

復徵餘地錢百姓苦之謙請豁免又種馬間十歲一編弊孔滋甚謙改編四年輒清審之積弊除刷殆盡民建祠祀焉

朱

湘義烏人進士嘉靖間知大名縣創應龍書院

餘畝給廩餼士賴以成者甚多更建社學十四所

張

瀚仁和人嘉靖年知大名府郡故沃土民各仕

里桑麻遍野瀚素雄於文政餘輒引

楊

廷選號賓吾錦衣籍鄆縣人進士嘉靖間知魏縣

仰視選廉得其人繩以重法一時強暴斂跡至今

追思循吏必曰京楊去任東西郊父老爭為建祠

沈

鍊會稽人進士嘉靖間知清豐縣廉介多善政

嵩寃死清豐父老建祠北城下婦人稚子歲時
曳香楮踵相屬或歌或嘆奉之虔如考妣焉

李

棧

號勺溪豐城人進士嘉靖間知魏縣政暇詣
思誠書院與諸生徒講學饑則市胡餅啖之

三閱月以憂去後補肥鄉過魏士民
遮留至三日不能行為立生祠祀之

甄

敬

平定州人進士嘉靖間知大名縣值歲侵民
多流亡敬設法賑救全活甚衆均田釐賦積

弊盡除父老畫像祀
之徵拜監察御史

操時賢

江西浮梁人進士嘉靖間知東明縣廉平公
慎首屏猾吏清三省賊巢殲其渠魁課農導

士一方稱
樂利焉

段

錦

恩縣人進士嘉靖間以監察御史謫大名令
羊采凝重政收大體議小灘商稅以濟支費

民賴以蘇凡經過使客聞其石俱迂途去不敢入擾

溫如春

洛陽衛人進士嘉靖間知清豐縣言貌和煦及過事可否凜弗可易救荒有法詔賜白金

文綺令畿甸奉以為式

孫

鏞

餘姚人進士隆慶二年知長垣縣清馬廠餘地捐大戶餘金整修文廟獎拔士類邑多頌

之

胡宥

休寧人進士隆慶五年知長垣縣天性潤達錄悉世務長於易學往往與諸生竟日發明

且給贖膳士貧者多待舉火焉至脩學校節里甲省徭役清庫藏罪豪猾德威並著尋擢御史

董元儒

會稽人進士萬厯間知大名縣持身嚴潔敷正溫和歲饑設法賑救全活甚衆

張國柱

號寧宇平原人進士萬歷間知魏縣遇事有擔荷自閑河議起鄰封以息肩嫁禍上官以

濟運為題魏幾為潞柱為民請命以去就爭始得報罷至今民思其德

區大倫

廣東高明人進士萬歷間知東明縣擊鋤豪猾獄訟哀息每春時露冤課農賞罰勤情民

知務本歲旱徒跣走百里剪髮為文投河伯請以身禱祭畢而雲返途而雨民歌詠之

趙一鶴

長州舉人萬歷間知大名縣衛水泛溢壩口梅家口為害最烈一鶴欲併塞之而二口地

屬鄰邑有異議一鶴以去就爭之竟以調行士民呼號河澌車不得行一鶴曰衛有民吾無官何悲

耶士論至今惜之

章正法

號孟山臨川人進士萬歷間知魏縣清明溫忠凡積羨盡用之書院以養士八覲留部卒

於京魏人聞
之如喪所生

塗時相

湖廣沅州人進士萬歷十九年知大名府興舉廢墜命所屬增建常平倉儲穀備賑置社

學立師調畫周詳教養
備舉郡邑至今德之

張曄

濱州人進士萬歷間知元城縣蒞政精明銖兩之奸必察民有豪強者按得其情即要勢

勿撓也歲獻賑濟有法自奉至菲每對賓僚仰天誓日不肖不敢以一錢累子孫

蔡時鼎

漳浦人進士萬歷間知元城時值均田立法周密可垂永久有慈神之頌徵為御史

陳所行

江西武鄉人進士萬歷間知大名府敦崇文治修葺天雄書院拔十二學之俊列屋居之

給餼廩課殿最多士振勵弦歌之聲不絕嘉善進士錢士晉繼之一遵舊政人文特盛云

王

圻

上海人進士萬歷間以御史謫知曹縣尋陞知開州首變兩稅為四季條鞭至冬季積前

三季所餘者省一季
十分之一民大稱便

潘士聞

宜春人進士天啓二年知清豐縣釐革弊政郡吏肅然操持廉潔於民纖芥無取

方大鎮

萬歷己丑進士初授大名府推官賑貧寒活疑獄百三十人後仕至大理寺卿擢刑科給

中事

宋應亨

萊陽人進士天啓六年知清豐縣才識明裕崇禎無留滯暇則論文課士親次其甲乙焉

陞吏部
主事

孫

鵬

鳳翔人進士崇禎間知東明縣廉明有幹畧時多盜白日殺人無忌鵬單騎至其穴諭以

就威福渠盜感泣
就撫節屋以寧

許

讚

大名府推官以明法舉職有夜殺人者取其首去比曉劉姓負薪於途拾其尸置薪上遷

者執之遂誣服讚獨疑之曰豈有手刃人而猶露其尸者乃榜市曰劉某殺人已服罪有能得其首者賞乃得殺人者負薪者始釋

鞠

珍

字廷玉南樂縣主簿常祿之外一無濡染詣部考績自陳老不能任職乞歸家宰王公嘆

曰吾有愧乎爾矣

本朝

季

璜

會稽人順治二年任大名府同知精明廉介人有鑄金為古硯餽者璜書其上云古硯古

硯為何相見名石非石滋我顏汗送入贊宮用脩聖殿後以註誤去民思之留其子霍即家焉

張

夔

桐城人由平山知縣調固安再調清苑縣俱有廉能聲擢補漳河同知疏濬得宜河無泛

溢之患以勞卒官民立碑頌德

范明德

壽州舉人康熙六年任大名府通判風裁峻整治獄不阿上官意督府幕士某犯罪明德

懲治之其人庸慙於上明德曰某守法吏使今以上官撓法豈憲臺意耶督府頷之卒於官貧不能

殮士民悼焉

劉金柱

定興人前明丙子以諸生隨大兵而東教授旗下順治二年守開州陞吉安府知府金逆

叛不屈死事聞奉

旨贈卹

方元啟

開化人順治辛丑進士知南樂縣先是民苦賠累荒蕪逃亡者衆元啟至會編審豁免逃

亡丁銀六百九十餘兩多方招徠給以牛種農具萬菜盡闢增戶口萬六千有奇歲荒設廠施粥復

建義倉捐穀千石推陳易新以經久遠尋荐擢戶部主事

高文鑑

江陵人進士順治十八年知清豐縣免雜派歲省數千金訟繫者立為剖決不責贖鍰六

年如一日以病歸民立祠祀之

王

煇

霍邱人康熙二年以舉人知元城縣性端介動中矩矧愛士民若子禁除雜派邑人德之

程正性

四川萬縣貢生任開州州同建學宮捐俸以資貧士膏火歷陞永寧府同知卒於官

魏

鎬

南樂人以武舉任大名道旂鼓守備駐防本邑土寇竊發領兵勦捕陷陣死本道設祭給

區曰精
忠貫日

宣化府

漢

郝賢

武帝時為上谷太守四從
大將軍青出塞封終利侯

劉

茂

太原晉陽人哀帝時舉孝廉為上谷沮陽令
沮陽故邊邑俗習尚武茂因其勢治之威惠

並行吏
民畏服

景

丹

字孫卿馮翊櫟陽人王莽時為朔調連率副
貳更始立遣使徇上谷丹與耿况降王郎起

丹與况子弇及寇恂等將兵南歸世祖世祖引見
笑曰何意二郡良為吾來方與士大夫共此功名

耳拜丹
偏將軍

王

霸

字元伯潁州人光武起兵霸率賓客上謁願

哉王郎反光武南馳至滹沱河候吏還白河水流
漸無船不可渡使霸往視之霸還詭曰水堅可渡
比至河河水合渡未畢數騎而水解光武詔官屬
曰王霸權以濟世殆天瑞也光武即位拜偏將軍
上谷太守

晉

劉亢塗

中山人仕慕容容垂為廣寧太守魏主珪命王
建將兵攻燕王谷太守慕容麟棄城走亢塗

曰不死封疆豈得為人
臣耶率兵禦之力戰死

遼

高

竝

渤海人以蔭官奉聖州錄事廉介自持事至即析鮮有疑滯州人愛服焉

金

張

亨

大興鄆陰人皇統六年進士授礬山縣丞以廉幹聞後遷弘州判每事持大體畧苛細州

人愛之

鈕祜祿展

西南路招討同人大定二十八年進士歷教授主簿用薦舉除德興府治中宣德州刺史

廉明剛毅吏民畏愛

張特立

東明人泰和中宣德州司候州多國威號難治特立律之以法合境肅然

元

閻

完

陝西人延祐三年授礬山簿遷龍門尹敦尚教化民有父子兄弟相訟者諄切開諭往往

涕泣而去大軍過縣抄掠帥不為禁完泣語帥曰尹不能供軍又不能撫民請受軍法帥為引咎以

謝民

趙致安

中山人至正五年守雲州輕徭役均賦稅減刑獄招流亡歲盜賊民咸安之歲大旱禱於

神即雨人謂為收守雨及代民詣闕請留不報乃涕泣以還

明

劉

璟

誠意伯基仲子也為谷王府長史拓城垣築壇社安輯軍校謀畫精勤成祖靖難璟不受

官詔下獄
自經死

楊賓

洪熙元年知延慶州事飭州治
建學校以才能陞蘇州府同知

谷春

京兆人。都知監與指揮使孫剛同守永寧正
統十四年敵陷獨石馬營剛力戰死春方率

所部來援聞之奮曰人孰無死死沙場乃為忠義
鬼吾從剛地下矣遂自縊死事聞贈祭如剛例

宣府鎮前衛
人另載忠節

周賢

宣府人。開平參將景泰五年陝西有警詔
賢率所部援之戰沒予贈廕詳見忠節

胡璉

景泰初任延慶州時驚潰之餘民始復業璉
脩城池以捍外患建倉庫以廣儲蓄士民悅

服

李

鼎

成化初任延慶州廉能節愛興學勸農脩舉廢墜民不知勞

張夢輔

成化中知延慶州令行禁止民無敢慢敬賢課士廉謹自持

初賢

正德中知延慶州重學校敦士風慎名節撫民以仁馭吏以威陞安慶府同知

郭都

遼陽人以都指揮充副總兵協守宣府嘉靖癸丑蒙古由張家口入攻保安都率兵二千

餘相值敵四面圍之勢不支都厲聲曰第直前不死即回無生理也與千戶王國身先士卒血戰士

卒半以死傷都與國畧無憚色各中矢被刃死事聞褒贈如例國畧無憚色各中矢被

劉海

開平人嘉靖初為馬營叅將遇敵奮擊與旗牌官張宣俱死之事聞予贈廕仍肖像褒忠

祠詳見忠節

關

山

六大同人以都指揮充葛峪叅將嘉靖六年敵

數合圍數十重矢發如雨會風霾大作天地冥晦

兩軍混戰一晝夜援兵不至山身被數鎗而死然

所殺傷敵亦過

當事聞贈廕

李光啟

陝西人為葛峪叅將位敵數十騎笑入光啟

多戰歿光啟力竭被執給敵曰我為帥引我亭障

下當有贖者敵信之遂執光啟至光啟大呼曰我

董暘

宣府前衛人嘉靖中為宣鎮遊擊

李斌

廣昌人嘉靖中任宣府遊擊吉囊入境率

所部禦之戰死事聞予贈廕詳見忠節

劉傳

蔚州人嘉靖中守備赤城敵犯馬營傳率所部百餘騎赴援被圍力戰中攢矢死詔褒卹

邑人建祠肖像祀之事詳忠節

賀濤

山西臨汾舉人嘉靖四十年任保安州改脩碑城惠政及民為生祠祀之

劉汝登

蒲州舉人嘉靖末從口北通判調東路會計出納登籍詳明督府巡歷懷城槩問錢糧大

數汝登抗言無弊督府嫌其戇直下之獄商民軍士涕泣擁訴居數日勾籍簿記見其纖悉無遺絕

無侵冒可指遂賢而釋之

稽巔

萊陽歲貢隆慶元年任保安州性嚴明教民淤田種稻至今為美利云

劉必紹

文登人以思貢除東路通判委署保安州事會計暇則聽斷才識敏練案無留滯軍民感

頌之考滿州民籲留以同知管州事復任三年轉陝西平涼同知百姓復詣闕請留部議以新銜久任

杜齊名

河南南召人以選貢授東路判軍餉出納纖悉不苟上官以其廉能委任城墉墩堡橋梁

水利諸大工齊名必躬親營度而後分任課其成功政不苛細民無淹獄軍民安之尋陞兩淮運副百姓攀留命以新銜仍舊職

原闕

西舉人萬歷末任西路通遺愛於民至今感頌不衰

原闕

龍門所人天啟初任獨石叅將黃台掠力戰死事聞賜祭廕勅祀褒忠祠

忠節

范志懋

河南虞城舉人崇禎十五年理宣鎮屯牧每朔望詣鄉約所口自講說聽者感悅著有弟

經十八篇行世以疾卒於官無子媵妾亦絕食死俱藁葬廣昌士民哀之

蘭民孚

陝西人歲貢崇禎中任南路通判有善政吏民德之

李師聖

雲南人崇禎中由舉人任宣府理刑致仕客居保安甲戌城破全家盡節事聞予贈廕建

祠南關祀之

徐國泰

崇禎時保安州守備甲戌城破奮勇血戰以兵盡力竭觸石死

閔生斗

保安州人明末遇亂殉節死州人祀之祀功祠

本朝

陸濬膚

字以愚平湖舉人順治中任宣府推官宣為古上谷地素稱難治前官皆用法繩之濬獨

以寬察重囚鞏加世段大康性全等之寬出之獄甄拔萬彥塞外士習為之振起

方

畿

字奕于桐城人拔貢生順治中任河間府推官駐劄宣府仁明平恕活累因數十人有疑

獄數年不決者一訊即服畿工詩政暇則登山嘯咏後遷漢中府同知

陳棟

永嘉人任西寧管糧通判庚申歲歉民飢天棟力請上官蠲賑全活數萬人薦舉卓異以

艱去民思之立遺愛碑祀名宦

汪天柄

錢塘人以通判改知西寧縣邑有土可煎鹽官慮引鹽不售抑不許煎商人更作威福為

民病且三十年天柄設法詳請公私使之性耿介不畏強禦民賴以安祀名宦

周德榮

奉天人知宣化縣當改衛為縣之初官署倉廩創造補葺多著勞績築護城堤壩詳葺門

面稅銀民尤戴德祀名宦

丹

德

廣元舉人吳三桂叛逆劫其父強以官德奔救之賊懼以丹弗顧蜀平授西寧知縣有惠

政士民愛之

易州

唐

姜師度

魏州人神龍初為易州刺史循魏武故迹鑿渠以通餉路罷海運省費鉅萬詳人物

田琬

字正勤青州人開元中除易州刺史剛不為害簡而能斷州人德之

遼

耶律博迪

字薩班清寧初知易州去官部民請留許之

蕭楊阿克

字舍音乾統初為易州刺史為幸臣譖去官州民十餘詣闕請留即日授武安州觀察使

蕭文

字國華壽隆末知易州所部高陽土沃民富吏其邑者每黷於貨文至悉去舊弊務農桑

崇禮教民勒石頌之

元

王

雲

字從隆東原人至正初守易州政平訟息民立碑頌德

明

李 某

河南太康人縣志失名建文時任廣昌令靖難兵至守義不屈墜城死妻亦自經遺子秉

直方幼上屯里老張真匿為已子宣德間復姓遂入籍廣昌為縣中望族

張友聞

洪熙時為易州判以冗員當去遣他判官督馬政者以親喪去部民言友聞廉幹乞即留

督馬政從之政績益著

羅 綺

字憲章羅山人成化中知易州奏減柴炭夫十之五改編驛遞夫馬以便民脩葺文廟作

養士類

戴 敏

婺源人弘治間知易州值歲旱為脩文廟召窮民數百食而傭之時邊患甚棘脩飭武備

民倚以安

王

勲

湯陰人弘治間知涑水清介勤敏陞兗州判民遮道哭擁至不能行

孫大祈

黃岡舉人萬歷時知易州三值大荒親賑饑民存活數十萬礦使橫雲力抗被謫

柳白卿

梓潼人萬歷時令涑水立水種法教民樹藝有祠祀之

劉克勤

莊浪歲貢前任治水有功陞廣昌令驛遞疲累丁重差煩克勤竭力興革立驛廠買驛馬

官為喂養而民始得蘇

姜應麟

為戶科給事中萬歷中封鄭氏為貴妃應麟與吏部員外沈璟疏乞收回成命忤旨謫應

麟廣昌典史璟亦調外

傅好禮

固始進士為太常寺少卿萬歷中上言近郊假官抽稅不報越三日好禮伏文華門求面

對上怒降廣昌
典史卒於官

本朝

沈志禮

山陰人以恩廕知易州明敏有威訟獄立剖
丁未大雨水門塞屋竈俱沉志禮晝夜竭力

疏築得宜民賴全活捐修棠陰書院置
義田以資士子膏火州人立碑頌德

冀州

漢

任光

字伯卿南陽人更始至洛以光為信都太守
王郎反郡國皆降光獨厲兵固守廷掾持王

郎檄白光斬之光武聞信都獨為漢守馳赴之
光開門迎謁拜左大將軍領信都太守光乃多作

檄文傳告旬日
之間兵衆大盛

李忠

字仲都東萊黃人與任光同迎光武拜右大將軍王郎破信都收太守宗廣及忠母妻更

始遣將復拔信都忠家屬得全光武因使忠還行太守事多惠政

南北朝

高忱

渤海人高允子以父任除長樂太守為政寬惠民庶安之

唐

李興公

貞觀年任冀州刺史振舉廢墜尤重水利嘗開葛陂陂引趙昭渠水以注之民受其利

羊元珪

載初中為衡水令引漳水北流貫城注陞及去民思之因名為羊令渠

裴子餘

絳州人六世祖叔業為後魏冀州刺史父守貞為冀州司馬子餘復刺冀州三世皆有惠

政冀人思之

宋

劉摯

東光人嘉祐中擢科甲授南宮令縣賦甚重輸絹一疋折錢五百綿一兩折錢三十民多

破產摯請裁以中價三司使包拯奏從其議自是絹錢二百綿十有六民歡呼曰劉長官活我去之

日民為立祠

李

冲

嘉祐中知信都有善政與南宮令劉摯清河令黃華皆以治行聞時稱河朔三令

魯有開

宗道子神宗時知冀州議增築堤防人謂無水何勞役為有開曰當備未然卒成之明年

河決水不能災冒堤而止民用安堵

李彌遜

吳縣人宣和末知冀州金人犯河朔彌遜捐金帛致勇士擊其遊騎斬首甚衆烏珠戒師

母犯其城

元

拉拉

高昌人至正初為南宮縣達魯噶齊字民擊強政體明肅陞任去民為立去思碑

劉時美

洛水人至正間尹南宮發奸勸寇稱為神君盜賊相戒不入境

明

楊繩

洪武初知南宮兵燹之後荆棘彌野繩督民墾治荒地時使者巡縣履畝徵稅繩諭民曰

壑田雖多慎無具報寧我
得罪勿貽民子孫累也

齊仕坤

四川遂寧人洪武中知新河縣寬仁愛民
政清事簡以老致仕賜半俸優養於家

楊

琛

蒲州人正統年任棗強典史公平廉謹
民愛之保陞本縣丞食知縣俸卒於官

楊

儼

壽州人景泰年知衡水潔已愛民嘗開南田
以殺郎子橋水招集流移戶口倍增有循吏

稱

劉

鎰

羅山人成化中知南宮時畿內大水邑舊有
堤有司不戒水由南門入民居學校悲湮鎰

循行四周酌地勢躬建新城學宮倉署壇壝
闡闡肇造無遺而民不知勞又去民祠祀之

李德美

莆田人成化時進士知冀州脩廢舉墜勸善
興學州政為之改觀壬寅大水城不沒者三

版德美鳩丁築堤
禦之城以保全

成文

文水人正德元年由進士知武邑律已公廉約法嚴整政績茂著境內輯和歷官都御史

段勇

澤州人正德辛未由給事中出知棗強縣城濬池脩時畿內盜起城且圯無戍卒乃築

葺樓櫓旂指甫定賊涉河薄城下勇親執桴鼓賊兵三進三却殺三百餘人賊怒攻圍益急城陷勇

身中箭鎗瞋目攘臂連呼殺賊赴水死三日典膳姚杞收其屍事聞贈太僕卿蔭子錦衣百戶

鞏思容

東平州人嘉靖初知南宮善折疑獄有鄉民懷金夜歸恐為人劫埋道旁塚中歸語其妻

明日發之不得遂訴於縣思容曰汝歸何見其人白止語其妻餘無見也思容笑且罵曰痴夫而妻

為私而不知乎繫其妻至一訊即服

高知彰

海豐人崇禎進士初知南宮縣廉惠敏幹歲大旱知彰步禱輒應積年疑獄片言折之革

耗羨清驛黨崇學校時有室則四壁心則皎日脩然清逸邑肥貌瘠之頌後調知正定縣歸濟南寇

亂殉節死

彭士弘

錦州人崇禎末以舉人知南宮值兵火後加意撫循與民休息十七年流寇陷城抗節不

屈死邑民立祠祀之

崔賢

代州人崇禎末知新河縣甫一月而寇逼城竭力固守城陷死之

本朝

張恒

臨晉人由恩貢順治二年知衡水縣兵燹之後土寇猖獗恒加意息民裁革夙弊措處有

方後陞東昌府同知
卒士民建祠祀之

趙州

魏

崔

楷

安平人孝昌初為殷州刺史性嚴峻不為進
退計時葛榮反逼城楷遣一幼子及一女夜
出以避之既而悔曰人必謂我虧忠而全愛也遂
追還賊至將士爭奮曰崔公尚不惜百口吾屬何
愛一身莫不悉力拒戰
及城陷楷闔門死之

唐

高

叡

萬年人為通義令歷趙州刺史嗣聖十五年
敕騎入寇叡據城拒賊攻益急有為叡計者

曰敵騎鋒銳所向無完城不如且下之敵曰吾為
刺史不戰而降罪莫大焉既而城陷敵自經不及
死而被執脇使諭降諸縣不從遂
遇害武后聞而嘉嘆賜諡曰節

李懷仁

狄道人永徽間以宗室子弟授朝議郎行慶
陶令為政先學校急耕桑界內有麥秀八岐

瑞之

程處默

貞元間為寧晉令以地斥鹵城西南有新渠
引河水入城溉田地用豐滋民食乃甘

康日知

靈州人少事李惟岳累擢趙州刺史惟岳叛
知日知與別駕李濯及部將百人揮血共盟誓

不從賊惟岳怒遣先鋒王武俊攻之日知使客謝
武俊曰賊孱甚安足共安危哉吾城固士和未可
卒下又給為使者齎詔諭武俊
武俊悟斬惟岳以獻德宗美其功

宋

侯

蒙

高密人徽宗時知栢鄉轉運使黃湜聞其名詔詣行臺蒙以越境不往湜怒欲致其罪而

無可指始以賓禮見曰公真能吏也率諸使合薦之

金

吳

微

平郭人永安二年知寧晉縣涖政明果有以牛訟者訊得其情牛亦伏膝由是百姓敬若

神

元

馮

安

栢鄉人世祖時史天澤開府正定授安本縣令安集流亡開倉賑給全活甚衆

齊

諫

幽都人至元間知趙州每旦署事日昃方退歲荒艱食者衆請於朝發公帑以賑之臨城

地硃民貧捐業而亡者累見戶代輸建言於府免之解綬日士民持金幣充路諫辭不受

溫德赫完

益州人至元中知趙州州當子午要途所費不貲完從容辦集民不為擾采地八百

畝佃者輸租畝三斗丙子秋旱完惻然除之

布爾罕呼喇

輝和爾人至元末任寧晉縣達魯噶齊旱蝗躬親祈捕歲不為災經過軍旅恣為

不道執之絕以國法士民感戴

綽羅忠翊

順帝元統初知栢鄉察民瘼省風俗救弊興利期月之間風行俗化

宋明善

內邱人至正初由國史從事知高邑遠則乘馬近則策杖遍歷耕桑之地勸課之旦出夕

歸孜孜不懈聽訟以公嘗曰吾既不能如聖人使
無訟忍杜其是非耶因國屢空門無干謁尤為邑

人所稱

劉榮祖

趙人至正間知隆平時潯沱脩堤檄出役夫
寫費榮祖以境小有災訴府得免又以積潦

傷稼乞免稅秋滿
邑民不忍其去

明

阮居仁

交趾人正統年知臨城性嚴明不尚浮華首
以農事為急子弟俊秀者俾入學宮蠲差徭

以風厲之公暇至明倫堂課文品其
優劣上官聞其能相戒不遣役下縣

何濬

靈寶人天順間知趙州數政仁惠不尚鞭笞
歲飢賑賑濟有法民無流移權要侵民地疏於

朝卒復民業新學校正士習歷任六年邑人感戴如父母引年家居趙人歲遣問餽及卒男女巷哭者三日

潘

洪

南海人成化四年由東平移守趙州初州民多棄稼穡流離轉徙庠序頽敝洪籍其民數給牛種俾以時耕作新學宮設饌堂以畀諸生會食公暇蒞學課其業脩城壕設社倉百廢俱興人之多感之

陸

愉

嘉定人成化年知寧晉時年飢抗章請蠲租或止之愉曰為人臣者豈不知為朝廷哉但我民疾苦切身倘更徵求則皆委溝壑矣當力言之雖咎弗辭竟得請民多全活

章

忱

會稽人成化中進士授臨城知縣歲飢民多流散忱招徠撫綏給以籽種緩其征徭民按

踵來歸久之旁邑流民願就編籍者數十戶城北有
泥河枕築堤引水灌田又教民桔槔之法邑由是
有水利鄉鄰舊無醫藥悅檢方
書脩藥餌施之所全活甚衆

徐以貞

長山人成化年由進士知寧晉為政明敏每
事紛集頃刻即遣去任未期以憂去邑民攀

號不舍服闋縣士民請復任平徭薄賦勤恤
民隱邑常潯沱之衝隄防有法民以奠居

張清

婺源人成化時知臨城廉明有惠遭歲凶民
多流移邑舊積粟餘四萬斛清不待請開倉

賑濟全活者數十萬民自
外邑來附籍者八十餘戶

關瑜

滋陽人弘治三年由保安州判擢知隆平律
身清慎處事詳密脩學校築城池招流移戢

猾暴民戴之
鏤石頌德

方 榮

錢塘人弘治二十年由進士知寧晉凡增丁口一千八百有奇勸輸倉穀四萬六千餘石

平反重獄五十八事
以政績擢監察御史

高重光

大寧中衛人由貢生為栢鄉教諭以擊賊功擢知邱縣崇禎戊寅殉節死事見忠節

張純儒

新安人以恩貢為臨城訓導崇禎戊寅大兵破城殉節死詳見忠節

王端冕

趙州知州崇禎末流寇攻城率吏民死守城陷被執不屈縛諸樹射死

王之統

成安人由歲貢為趙州訓導值亂分守東門城城陷死之事見忠節

本朝

陶鼎鉉

遼東人順治九年知趙州性廉飭聽斷明決奸豪懼服惠政及民陞鎮江知府士民懷之

牟廷選

錦州人知栢鄉縣地當驛道使客經過有乾馬貼馬之錢借牌枉道之弊一切詳革簿書

錢穀皆不假手幕胥而才猷自裕邑之南關有祠碑具載其事祀名宦

牟嘉蔭

遼東官監生康熙五年知高邑縣治邑七載脩舉廢墜嚴明執法吏胥畏之祀名宦

薛所本

孟縣貢生康熙十三年知高邑縣清丈地畝振興文教士民樂業後行取中書去祀名宦

宋廣業

長洲人知臨城縣俗健訟有大猾俗稱一門五虎置之法民得安枕設義學育生儒邑遇

荒旱捐貲煮粥以活飢民纂輯邑志未竟以艱去後歷任山左卒刊刻成書康熙六十年祀名宦

深州

南北朝

路去病

陽平人北齊神武勅用土人為縣宰以去病為饒陽令嚴毅廉平吏民畏服

唐

賈敦實

敦頤弟高宗時為饒陽令政清靜吏民嘉美舊制大功之嫌不連官朝廷以其兄弟治行

相高不徙任以寵異之

宋

王鼎

館陶人舉進士第慶歷中知深州王則以貝州反深卒龐旦與其徒謀應之前一日有告

者鼎陰為之備翌日會僚吏置酒如常叛黨愕不敢動捕首謀十八人送獄取桀桀者數人斬於市

一郡帖然

張

旨

懷州人初徙安平尉嘗與賊戰流矢中臂猶殺數十人後知安平勸富民輸粟以濟飢者

又浚渾河泄支流溉田萬頃外築堤以備水患

竇

卞

曹州人熙寧時知深州滹沱河決流民自冀至者踵相接卞發常平粟食之吏白擅發必

獲罪卞曰吾寧以身活數萬人尋以請詔許之

明

耿福緣

四川人永樂初為安平縣丞廉能才幹撫民有方以母憂去耆老赴闕請留勅吏部記名

比服闋民懇請復任詔從之

蕭伯辰

江西清江人永樂初知深州十年七月霖雨漳河滹沱泛溢力拒勿支城舍飄沒乃徙民

登園籍儲侍去州三十里地曰吳庄者芟削榛蕪以棲止焉請於朝遂定厥居州之人去卑如而即爽壇至今稱之

吳鳴鳳

松江人進士成化壬寅知武強濟弱鋤強百廢俱舉調別縣卒樞過武強民號泣迎送如

喪父母至今稱為武強良吏第一

徐淮

武城人弘治十年知饒陽深悉民隱盡反前政之不便者定戶口均徭役省刑敦化惠及

於民以憂去民思之

王翊

許州人正德三年知安平先是民多爭訟邑弗能析愬之府府檄勾稽無虛日翊隨事剖

析曲中其情民以不冤遂無愬府者鄰邑求直亦往往乞下翊學廡頽敝次第脩葺邑有社學久為

人占翊復之河間正定神武三衛屯舊在安平軍士不奉約束翊總甲以聯屬之梗頑者絕以法卒未盜起督民兵誓死守禦卒保其城擢知德州民遮道攀留

李

鴻

陝西人正德六年知深州霸州賊起嘯聚萬衆縱橫河北至州鴻率衆登城分僚屬守四

門躬自巡眺晝夜不寐賊知不可克引去一郡獲全

仇

相

淄川人正德八年知饒陽甫下車即詢民疾苦覈貧富差等登諸籍凡徵發按籍行之靡

不遑均復業者百餘戶歷官九年境內大治

李守真

沁源人萬歷中知饒陽縣漳河時決守真創議環城築大堤以障禦復繞堤植柳根盤土

固永久賴之

孔聞校

崇禎初知安平冠亂
殉難邑人立祠祀之

吳恂

安平人深州訓導崇禎戊寅大
兵臨城殉節死贈侍講詳見忠節

劉名言

唐縣人由歲貢任深州訓導
崇禎壬午城陷死之見忠節

熊國俊

崇禎時任深州吏目癸未城破殉
節死州人哀之收葬於西關外

本朝

朱衣助

字文佑遼東人順治五年知深州時土寇未
靖披堅執銳為士卒先捍衛孤城撫循黎庶

士民德之歷任操江
為鄭兵所獲不屈死

李模

郊縣人明末闖賊開偽科取士士有不就試
者屠其家模不赴考為賊截其鼻耳順治丁

酉舉河南鄉試第一己亥成進士知武強縣治尚清簡民安之政暇集諸生於衙齋相與講課書藝

一如布衣師弟陞部郎去士民攀轅泣送康熙三十三年祀名宦

陳宗石

字子萬宜興人由監生為山西黎城縣縣丞稱職擢知安平縣清廉慈惠才能著稱吏民

德之巡撫于成龍特薦內擢主事祀名宦

定州

周

李兌

治中山苦陘令上計而入多李兌曰語言辨聽之說不度於義謂之寃言無山林澤谷之

利而入多者謂之寃貨君子不聽寃言不受寃貨子姑免矣

漢

馮

衍

字敬通杜陵人幼有奇才博通羣書王莽時多薦之者辭不肯任光武以為曲陽令討平

劇寇日食陳八事多所建白

南北朝

竇

瑗

字世珍遼陽人魏天平中除中山太守持守清白為吏民所懷齊獻武王班書州郡稱瑗

政績以為勸厲焉

唐

薛

獻

貞觀初為定州刺史入覲太宗詔升殿親問之曰卿等在州何以敷教獻對曰老者存恤

之少者勸戒之荒田漸闢生產漸盛禮義漸興此皆聖化所被非臣之力帝曰如卿所奏足稱循良朕所望於卿等者固如此耳

李元軌

太宗子封霍王永徽初出為定州刺史突厥入寇元軌開門偃機寇疑不敢入王文操者

與賊戰敗二子鳳賢以身救父死縣抑不為言元軌廉知之遣使弔祭上其事詔贈鳳賢皆朝敵大

曰夫旌表其閭國令請貿易取贏答曰汝當正吾失反蕪吾以利耶

鄭放

元宗擇刺史十一人放自太僕卿出刺定州詔宰相諸王祖於洛濱後以治最聞

宋

呂

端

幽州人太祖時通判定州清介雅重吏民咸服

龐

籍

單州人仁宗時知定州為人清介高古綏輯軍民肅然不敢犯

吳元辰

太原人咸平初知定州時王超王繼忠將與遼戰元辰策其必敗急發兵護河橋既而超

等果敗遼人追至橋見陳兵甚盛遂引去績滿當遷吏民疏其善政十事請借留并樹碑頌德

王

素

華縣人仁宗時知定州政術寬大

蔡

抗

名宗城人英宗時知定州帝指其去曰第行且名卿矣郡兵番戍家室留營多不謹夫歸輒

首原抗下令悉按以法

孫長卿

揚州人熙寧初知定州性廉潔當得國利八十萬悉歸之公當時稱為廉吏

薛向

萬全人熙寧四年加樞密直學士知定州政多惠愛以新河源之水久為民患擇可灌漑

者疏為水田惠息而利興民立石紀之

滕元發

東陽人神宗時知定州會歲旱求言元發疏新法富民者上之徙知正定境內凜然

王巖叟

大名人神宗時知安喜縣有法吏導人為訟巖叟捕撻於市衆皆竦然呂公著歎曰此古

良吏也有詔舉御史舉者意屬巖叟或謂可以往見巖叟笑曰是呈身御史也後劉摯薦為監察御史

許安石

元祐中為深澤令脩理學校民被其化元豐時澤水灌城邑治之有方城賴以全

黃實

陳州人元豐中知定州朝首籍民兵旁郡因緣擾民實懷檄不下條利害請之事得寢民

之德

蘇

軾

哲宗時以學士出知定州時軍政廢弛營舍頽壞軾乃修營房禁戲博勤戰陣衆畏服之

及春大閱事遵舊典副總管王光祖自謂老將不至軾劾其罪子過判定州亦有聲譽人以爲世德云

劉奉世

臨江人紹聖初知定州邢恕搆誣貶濕州徽宗立復知定州吏治安靜民甚宜之

韓忠彥

琦子紹聖三年以學士知正定府移定州人望而喜曰吾資政子也我曹得所矣忠彥推

行父法視民如傷
遷尚書左僕射

金

富珠哩端仁

遼城人大定中爲曲陽令脩孔廟繕城池置觀稼亭疏靈河之塞時嘉禾產於

靈河之涯士民
頌為德政所致

劉仲洙

宛平人
大定中令深澤
治滹沱河
水有功後遷祁州刺史
詳人物

元

閻玉

行唐人中統間曲陽令
春行省耕馬嘶民桑
計直償之螟災虔禱於神
信宿螟死尋改高
陽名益振至元中改藁城以
疾卒三邑民為立遺愛碑

史

樞

天安子
知中山清廉有聲

毛景謙

至順間由翰林尹深澤興崇學校
摧豪破奸吏民信服立石頌之

崔

讓

字謙甫至正間知深澤不事刑威專尚
德化興利除害崇儉抑奢民懷其德

元思明

字顯卿隆平人至正間判深澤好賢下士均賦平徭人多思之

邱難公

烏孫人為深澤達魯噶齊奉親至孝律已甚廉興學養士勸課農桑一邑大治

張翼

字飛卿樂城人任深澤主簿為政以德不以刑有事役民以身率先民畏服之

明

平安

洪武末帥守定州築城池脩器械練將士屹然稱雄鎮靖難兵起安督兵禦之白溝河大

戰數十陣成祖親至安戰益力馬蹙被執欲用之安曰有死而已成祖曰我家養士止得三人若平

安者其一也金陵破飲藥死

高文

瀏陽人永樂時為深澤典史廉而能惠宣德初知縣闕官民走闕下請即用之詔從文累

著政績

耿

裕

盧氏人天順末以翰林院檢討出判定州清慎公勤不以升沉易節於民事尤盡心三載

復舊職歷官吏部尚書

劉

竑

常熟人成化間知定州境內飛蝗遍野竑往捕之蝗遂徙去民間失火嘗往救之仰天自責

須臾火滅凡遇旱禱雨輒應三年以憂去人咸思之

喬

良

沂水人成化四年知曲陽有廉幹聲嘗出郊勸農民以梁飯餉亦不辭至肉菓則拒之過

荒撫字安集民無散亡去之日民悲泣如失父母

倪

璣

雁門人進士由給事中謫知定州練於政事世宗入繼駐蹕定州見其庶務具舉心善之

嘗可矣二字於屏璣因以名其堂
嘗作州志論者以為得紀事體

鮑獻書

進士知曲陽有惠政邑人立祠祀之

韓希龍

安陽人知定州萬歷元年清丈守令多從苟簡希龍以定境內有忠順田土暨五衛屯易

於影射乃親歷原隰析為各邱詳注於冊奸豪計無所售至今遵為定式

陳來朝

河內人萬歷時令深澤徵糧聽訟庭無冗役戶鮮雜差築堤障水栽柳護堤新文廟立社

學建養濟院置漏澤園具有善政

唐

鉉

睢州人崇禎間知定州殉難贈布政司右叅議

本朝

符渭英

金壇人順治進士知溧澤縣水旱之後流亡頗多渭英招徠撫綏民漸復業建橋梁整驛

遞除鹽規脩學課士在任五年民親之如父母陞大理寺評事

許來音

福建人順治進士知溧澤縣民間苦養馬及上供狐皮力請改革性安儉素為政寬猛得

中縣

南北漳濱二水歲苦漂沒相度脩築水不為災康熙四十一年祀名宦

王

蔡

江南人知曲陽縣設義學以振文風濬河渠以益水利輕徭清賦息訟安民民愛戴之以

賢能

調任清苑令康熙四十七年祀名宦

畿輔通志卷七十